






11048






3

VATICINIA
0294 Hto.
Ex natura & moribus de-
prompta, de Anno Domi-
ni M. DC. XIII. & M. DC. IV.
alijsque sequentibus.



In Zoilum.

*Zoile, quid mundum tentas inuertere? cur sic
Commisces albis nigra, bonisq; mala?
Seria quę fuerant, appellas rustica: rursum
Turpem, si qua fuit Musa iocosa, vocas.
Si bene tu facis hoc, facies quoq; non male: podex
Fma tuus linguens occupet ore locum.*



CRACOVIAE,
Chalcographo Nicolao Lobio, Anno
Domini 1612.

In Arma antiquissimæ domûs Komo-
rouiorum.



110485

Respicias, ut ternis properent hac flumina secta
Ordinibus, prisca nobile stemma domus.
Seu vis Danubio fluxisse hos, qui secat auream
Ungariam, primum hinc stemmatis omen habe.
Hac gens magnanimis Casimiro hic profuit ausis,
Atq; opibus magnum fecerat auxilium.
Dixeris aut Hermum, qui auratam voluit arenam,
Pulchrum an Pactolum, credis an esse Tagum.
Seu mage Castalio rorantes flumine ab undas,
Vel fors Pegasei quem ungula fecit equi?
Quicquid id est stemma hoc, de te prædixit Apollo.
O NICOLAE, tua firma columna domus.
Militia robur iungens pietate cum auita,
Quod rarum est, pectus Musa tuum excoluit.
Hac tria dum semper Mauortis in agmine iungis,
Turca tui robur pectoris extimuit.
Et qui respiciens tergum, post se arma ministrat
Vidit te, & sensit barbarus ipse Getes.
Ergo terrores deponere ex pectore vanos
Patria, dum tantis cingere fluminibus.

Illustri ac Magnifico Domino,
D. NICOLAO è KOMOROW
KOMOROWSKI COMITI IN LIPTOW, ET
Orawa, Capitaneo Ofwiecineñ: &c. &c.
Domino & patrono suo colendissimo

S. P. D.

T Emptori inservire sapientis est, Illustris ac Magni-
fice Domine. Sic namque ritè decenterq; res aggre-
di docemur, easq; sine prefixo metientes, ad certum
colophona deducere. Et vero cum truditur dies die, no-
ueq; pergunt interire lune (ut inquit Poëta) fit ut postea-
riora consilia prioribus sint meliora. Sic saucius evitat mi-
les arenam, Quidem immemor antiqui vulneris, arma ra-
pit monente occasione, ut hoc pacto, vel fame sue, vel
Reipublice commodis prospiciat. Proinde Q ego licet ea-
diderim nuper dogmata quædam de moribus, quibus titu-
lum prefixi VATICINIORVM, sub auspicio Illustri-
Mag: T. non inculta quidem, nec diligentia contemnen-
da elaborata: multa enim iucunda, multa ad mores instru-
endos, Q informandos inde quisq; promere poterat: ta-
men innouanda putavi rursus eadem, partim ex eo, quod
inconfectum nisi opus hoc prodijisse videbatur: morem e-
nim amicis gerens, illud in lucem non omnino libenter e-
dideram: partim etiam ex eo, quod multum ei lucis acce-
dere putarem, si quibusdam in eo minus congruis, concin-

nus limatis, auctius, & Rationibus Philosophicis probatius prodiret. Distrabebam quidem animo, dum cogitare, cui potissimum illud consecrarem, sed constantia mea, & debita veneratio domus antiquissimę KOMOROVIANAE Illust. & M. D. T. suasisit iterum dicandum: cum etiam, quod in rem meam maxime servit, neminem viderem adeo excelsi, & Heroici animi virum, qui alacrius, promptius, expeditius a lividorum hominum morsibus, & Thrasorum fatuorum detractionibus, famam omnium bonorum lacerantibus, tueri, & veritatem in aperto reponere, ac defendere sciret, & vellet, preter Illustrem ac M. D. T. Quamobrem nemo mihi vitio vertet, ut spero (de tua enim M. D. certo mihi polliceor) quod eidem, cui & antea, nunc per exiguum opus hoc dem, & dicem. Quem admodum enim ab Oceano profluunt omnia flumina, & in eundem relabuntur, ita quoq. a quo gratiam acceperimus, in eundem omnem officiorum promptitudinem conferre debemus, & derivare. Accipe itaq. lubens leuidentse munus, iterumq. T. Illustri ac M. D. penates pulsantem libellum hunc candido, & virili animo complectere, in meq. servum, & virtutum tuarum cultorem, solitum amorem, & benignitatem tuam continua, vel potius perrenna. Vale quam diutissime felix, beatusq. vive in Ecclesię defensionem, patrię propugnationem, & omnium proborum, ac doctorum ornamentum. Vale, inquam, & vive beatus, servięque tui memor. Cracovię Anno M. DC. XII. 7. die April.

Illustri ac M. D. tuę

Addictissimus.

Sebastianus Sleskowski.

In Detractorem,

Omnia derides quicquid comparuit unquam,
Seu res illa grauis, siue iocosa fuit.
Scribentes rides passim, ridesq; legentes,
Seu sedeas rides, seu quog; stare velit.
Omnia cum rides, submissa voce monebo
Te, tu sed tantum solus id excipias.
Mingentes ridere caue, puerosq; cacantes,
In caput effundent stercora namq; tuum.

IOANNIS SILNICKI.

Aliud.

Inuidiam dicunt si cuius pectore in imo
Sederit, in tacitis ossa cremare focis.
Si cremat ossa, tuos & dentes illa cremabit,
Nullum etenim faciunt hec duo dissimile.
Sed nec habes dentes, vix tres, quatuorue supersunt,
Hos ad eque crepitum deperisse ferunt.

STANISLAI SILNICKI.

Aliud.

O bone censor aue, quid nobis dicere tale
Vis? quæro errorem, dicis, & inuenio.
Non hic errores venduntur, perge Clepardiam,
Errorem, & casum fors ibi repperies.

SAMUELIS SILNICKI.

Aliud.

O detractores inter celeberrime, longum,
Dicere mi tecum mens, modo sit satis id.

R 3

Effodiant

*Effodiant utinam hec ambo tibi lumina corui,
Hoc facto letus, Laus tibi Christe, canam.*

GABRIELIS SILNICKI.

Aliud.

*Omnia cum rodas, dubito fuerisne Melampus,
Tu tamen arbitrio Pamphagus esto meo.
Omnia sed rodens lapidem vitare memento,
Dentibus alisum rodere non poteris.*

PETRI SILNICKI.

Aliud.

*Ostentare soles dentes, ridendo libellos,
Edidit in lucem quos aliena manus.
Et ridens mittis crassum spiramen ab ore?
Sic podex vetule putride hiare solet.*

STANISLAI SIEMIANOWSKI.

Aliud.

*Ecquid (ais) nugas scribendo, perdo laborem,
An tu Nugator fors grauiora voles?*

ICANNIS GNIEWOZ.

Ad Lectorem de ratione ordinis.

*C*Um, teste Philosopho, ordo sit anima rerum, idcirco in tres partes
diduxisse placuit libellum. Prima pradicat, qua ventura sunt.
Secunda monet qua faciendas vel vitanda. Tertia exempla non vula
garia affert.

Index

Index Titulorū in hoc libello contentorum.

PRIMÆ PARTIS.

Ratio & fundamentum Vaticiniorum.

Commendatio operis.

De Turcis Vaticinium.

De Scythis.

De Iudæis.

De Christianis.

De Cracovia.

De mulieribus.

Vaticinium ex Sphygmica arte desumptum, quo arcana suspectarum mulierum deteguntur.

De Nonercis.

De veris Politicis.

De veris Philosophis.

De Pseudopoëtis.

De Indicibus & Causidicis.

De Mercatoribus.

De crepitu ventris.

Vaticinia duo ex Physiognomia.

Vaticinia deprompta ex somnijs.

Ridicula, sed iucunda quædam Vaticinia.

De statu vitæ.

De Rusticis.

SECUNDÆ PARTIS.

Ut quis nunquam canescat.

Volentibus diu, & salubriter vivere.

Conuiuiis.

Cælibibus remedium.

Vxorem ducturis.

Melancholicis.

Aliud salubrius.

Diabolis.

Piscatoribus, qui non habent retia, quales sunt pauperes Bicy, alias

Rybaldi, & in villis D. D. Magistri.

TERTIÆ PARTIS.

Nonnullæ historiæ notabiles.

Ratio &

RATIO ET FVNDAMEN- tum Vaticiniorum.

Nondum in lucem edideram ista Vaticinia, & iam audiui quosdam mirari, qualiane sint, & unde habeant suam veritatem, cum non sint è calo. Ego vicissim statim mirari capi cur tot & tanti viri ignorent, ista Vaticinia neq; esse rem nouam, neq; temerè susceptam. Cum non tantum illud, Vaticinium dicatur, quod desumitur ex astris, sed illud omne, quodcunq; futurum aliquid, postea certa, vel saltem probabili causa (ut sit in natura qua tantum inclinatur) praedicat. Sed ne quis diutius (ut aiunt) auribus lupum teneat, antequam rem ipsam aggrediar, pono diuisionem Vaticiniorum, ex qua facile cognoscere poterit genus & fundamentum Vaticiniorum meorum. Vaticinia itaq; qua ab hominibus fiunt ratione efficientis, seu principij, à quo proueniunt, diuidi possunt. Aut enim proueniunt à principio

INTERNO, à ratione, scilicet, & intellectu hominis, qui homini nomen dat, & esse. Hic intellectus, vel est

THEORICVS respectu habito materiae, ex qua Vaticinatur, vel versatur circa materialia siue materia immersa corpora inferiora, & ex illorum figuris, formis, effectibus, passionibus vaticinatur. Et talia Vaticinia vocantur Naturalia; qualia multa passim apud quosus bonos autores reperire licet; qualia ex una parte sunt & hac nostra.

Immaterialia, siue à materia corruptibili separata, corpora, scilicet, caelestia, ex quorum motu & influxu vaticinatur Astrologus. Et haec Vaticinia sunt Astrologica, de quibus ego nihil in praesenti, vel

PRACTICVS, & vaticinatur ex actionibus & observationibus quotidianae vitae de Rebus, vel priuatorum hominum euentis. Et vocantur Vaticinia ex moribus; qualia sunt etiam ex altera parte hac nostra.

EXTERNO, à communione, videlicet, luminis alicuius supra naturam hominis, quo illustrata mens, diuino non humano more vaticinatur futura. Sive illud lumen ab intelligentis bonis, siue

*sue à malis communicetur. Talià sunt Vaticinia Metaphysica. Ex qua quidem diuisione iam liquet hac nostra vaticinia iure merito debere dici vaticinia, & ex quo genere sint Vaticiniorum, & ordine, nimirum primo, & tertio simul. Secundum verò relinquimus Astrologis, qui ex Astris, infallibiliter inclinantibus, predicunt. Quartum verò idq; ultimum Prophetis, Sybillis, & spiritu aliquo afflatis. Quàm verò frequens sit vsus horum omnium quatuor, lippis (ut dicitur) & tonsoribus notum est. Ut enim interim missa faciam ex astris vaticinia, quorum cum laude maxima suorum Professorum frequentissimus summo pereq; necessarius est vsus per totum Christianum orbē, & de illis quæ ex reuelatione siue Dei ipsius Ter. Op. Max. siue spirituum iam bonorum quàm malorum, nihil in presenti dicam, quid quaeso illa consultationes Principum ac Senatorum de felici statu futuro Rerumpub. nisi quia colligunt, & presagiunt, atq; vaticinantur ex causis, quas mentis oculis vident, si hoc non fecerimus, hoc atq; illud eueniet, & contra: hoc autem nil est aliud, quàm ex moribus vaticinari. Apparet ergo hoc genus vaticinii Ethicum, seu morale, vtilissimum esse Rebusp. si florentissima futura sunt. Iam verò quòd attinet Vaticinia naturalia, quò quis sapius vaticinatur Physicè, eò etiam sapientior habetur, quò quis plures causas rerum, easq; melius & exquisitiùs nouit, eò doctior censetur. Admiramur ac suspicimus Medicos Doctores, cum videmus ita euenisse, sicut illi ex causis, quas viderant in aegrotis, vel mortem vel sanitatē vaticinati sunt. Admiramur cum tot vicibus videmus operari medicamentum, quot vicibus illi pradiixerunt. Magnificimus deniq; etiam alios Philosophos, cum videmus consequi eos effectus, quos illi, nobis non sperantibus, ex causis vaticinati sunt. Sed quoniam in re tam manifesta superuacaneum esse arbitror pluribus laborare, iam ad
 Vaticinia ipsa, bonis auib; accedamus.*



COMMENDATIO OPERIS.

*Queris, quid, libro, vates edisserat, isto,
Pellege, conquires, quæ, salacitura, probes.
Ludicra seu optas, & seria multa videbis,
Ridicula urbanis, aulica mista iocis.
Presbyteres, lege, si laicus, iuuenisue, senexue,
Vatis terrigenam hoc quemque iuuabit opus.*

GREGORII CZARADZKI.

ALIA.

*Differit en liber hic cunctis de gentibus, imò
Qui casus venient non vementque refert.
Ergo hunc volue librum lector sapere ut videaris.
Artem si veterem queris? habeto nouam.
Nummos incusas? emitur sapientia magno.
Ergo sit in damno gratia grata tuo.*

IOANNIS SILNICKI.

ALIA.

*Si me fortè rogas quid continet iste libellus?
Informat mores, acta futura canit.
Haud adhibenda fides semper, quæ nuncia celo
Vates desumunt, quinque futura canunt.
Non semper credenda Ceres fallacibus aruis,
Nec semper viridi concaua puppis aque.*

STANISLAI SILNICKI.



VATI-



VATICINIA

Ex natura & moribus de-

prompta, de Anno Domini M. DC. XIII.
& M. DC. XIV. alijsque sequentibus.

DE TVRCIS.



Cprimùm quidem breui verborum symmetria de quatuor nationibus perstringam. Inter quos Turcæ populi ante omnes alias se offerunt. Primus igitur qui Regis Turcæ nomen tulit, tantiq; imperij fundator extitit, à tenui Galaciæ oppido in Scythia, quod Othomanzicum hodiè appellatur, Othomanus est dictus, quod nomen postea in familiam transijt. Cœpit autē Othomaniæ domus imperium Anno à partu Virginis M. CCC. quanquam quadringentis ante annis Turcas ex Scythia profectos, in Asia sedes occupasse, compertū est: qui tamen Regem aut Imperatorem ab initio non habuerunt, ut pote qui diuisi per Tetrarchas, & regulos, cum imbellibus Asiæ populis Constantinopolitanisq; Cætaribus suo arbitrio bella gerere consuessent: quanquā eos aliquando in vnum cōsentire coegerit communis metus à Gothifredo Bolionio vniuersæ Asiæ illatus. Colunt isti populi Maumethen, non quidem diuino, ut quidam rudiores existimant, cultu, sed eo, quo Iudæi Mosen. Hic Maumethes asseribat se à Christo verbis manifestis promissum fuisse, scriptumq; esse in Euangelio: Prædico vobis post me venturum esse Dei nuncium, nomine Maumethen, spiritum veritatis, qui docebit vos omnia. Cæterum ea machinatio & callida erat & ridicula. Quippe ante Maumethis aduentum causa nulla erat, quare potiùs Maumethis, quàm Pilati, vel Iudæ, vel Antichristi nomen Euangelio subtraheretur. Falsò igitur nomen suum posuit, vbi apud Ioannem Deus spiritus promittitur. Hic idem Maumethes (ut testatur Nic: Clenardus lib. 1. Epist.) sibi, tanquam Principi Prophetarum, vires decem Prophetarum

rum in coeundo diuinitus datas esse gloriabatur, impurissimus homo. Quin & in futuro sæculo pios vxoribus mundis & abiq; menstruis abundaturos, non sobolis, sed voluptatis causa: & quo quiq; vir esset melior, eò plures habiturum concubinas, & plus virum à Deo consecuturum, vt ijs omnibus satisfacere queat. Egregia, & digna Principe porcorum prophetia. Præstat autem hæc gens fera hæreticis, qui ex nobis fiunt, vel ob hæc ipsa duo. Primò: Quia Turcæ de Sanctis Dei, sed præcipuè B. V. Maria, piè, vt par est, sentiunt, & honorificè loquuntur: hæretici verò eam instinctu afflatuq; Diabolico, vt pote cuius caput (serpentis) contriuit, blasphemant. Sic n. scriptum legitur in Alcorano eorum: Dixit Angelus Gabriel ad Mariam: O Maria Deus te elegit, & docuit te gratiam, & ab initio præelegit te præ omnibus alijs mulieribus omnium sæculorum, & posuit te tanquam nouum medium inter homines terrenos, & Angelos Dei in paradiso deliciarum. Secundò, quia Hæretici omnes vbique locorum semper facilius tolerant Turcas, quàm nos Catholicos. Quod anno proximè præterito, quidam eorum in castrensi lapidea, cùm non posset amplius suum virus hæreticum retinere, claris verbis fassus est, se, nimirum, malle hic Cracouiæ videre templa Turcarum, & Scytharum, quàm vnum Catholicorum. Deniq; experientia ipsa docet. Turcæ n. plurima templa Catholicorum patiuntur, & permittunt esse Hierosolymis, Constantinopoli, & alijs in locis sui imperij, cùm possint ea funditus euertere atq; tollere: Hæretici verò statim, vt ius potestatemq; imperandi alicubi habuerunt, templa Sanctæ orthodoxæq; religionis fecerunt speluncas latronum, & stabula porcorum. Prognosticon hoc de illis verum esse potest: Armis imperiũ suum, donec durabunt, tam defendere, quàm proferre conabuntur, quod conijcere nullo negotio quiuisset ex eo potest. Quoniam vetus atque perpetuum eorum institutum est, vt intranti templum supplicandi causa imperatori, Talismanus ædituns sacerdos occurrat, claraq; voce pronunciet, vt meminisse velit, imperium, quod iustitia & virtute bellica partum sit, non alijs quàm ijsdem artibus conseruari propagariq; oportere.

DE SCYTHIS.

Scythia est regio septentrionalis latissima, in duas diuisa partes, Europæam, & Asiaticam, vt riusq; variæ ac prope innumerabiles gentes. Sciendum autem est, Scythicum imperium non tantum antiquitate

antiquitate, sed etiam vastitate locorum & numerositate gentium suarum longè superare ditiones Turcicas: siquidem ipsi inter se non modò loca regionum, verùm etiam nomina illiarum videre nequeunt, nedum nos Christiani. E quorum numero, Georgi, & Alani (teste Sab. lib. 6. En. 10.) Scythæ sunt. Pars regni huius trium dierum circuitu, tam densa obducta est caligine, vt ob tenebrosam speciem, nemo locum subeat, nec cernere sit aliquid in ea densitate tenebrarum. Qui in proximo habitant, exaudiri aiunt inde voces hominum, & gallosum cantum, hinnitum equorum, nec horum quicquam videri, regionem ipsam Anisen vocari. Fluit ex ea terra amnis, qui suo introitu arguit locum non esse sinè humano cultu. Haytonus, qui ad hæc usque loca se peruenisse ait, auctor est in Georgianæ gentis monumentis proditum. Christiani cultus manum ingentem in ea olim loca compulsum impia Saurini Regis Persarum insectatione. Cæterum cum hostile ferrum fugientium ceruicibus immineret, miraculo euenisse, vt profuga multitudo, tenebris sit repentè obsepta, in minutissimi valli speciem. Ex quo iam non difficile est diuinare Tartaros non fore quidem cupidos dilatandorum imperij sui terminorum, sed auitis, modò illas in pace retinere possint, contentos futuros. Verùm tamen illi feri ac furiosi latrones contendunt, atque elaborabunt, sequentibus annis in vicinum illis regnum, quod est Poloniæ, excursiones perpetuas facere, vt multos opibus spolient ac denudent, ciuitates, oppida, rura, ac pagos exurant, pecudes abigant, plures trucident, plurimos in captiuitatem abducant. Quos tamen per Dei gratiam, nisi fortè discordia, interitus Rerump. obstiterit, fortiter resistendo, & penè quotannis cædendo, nostri à conspectu suo longè remouebunt, & in vastis illis solitudinibus quasi obligabunt. Nec, vt voti sui compotes fiant, in Germaniam, totamq; Christianitatem, quam veluti murus ab excursionem Turcarum, Tartarorum, & aliarum vicinarum gentium tutantur, perrumpere patientur. Quo nomine multum se fateri deberent Polonis vix grati in Poloniam, siue eius incolas, Germani.

DE IVDÆIS.

Sequitur vt de Iudæis fatidis aliquid perstringam, quos Saturnus, consensu omnium Mathematicorum, designat. Quinq; verò, eaque detestabilia scelera Iudæorum (omissa infinita coluere sordium illorum) notare mihi visum fuit. Primum, Machinabuntur ad

huc fraudes, dolos, imposturas, & quod maius est, multos spoliare fortunis, trucidare fœnore contendunt, sed eis non succedet, propterea, quia Saturnus Iudæorum Planeta in multorum Christianorum domibus sequentibus annis decurrens, docebit eos hanc eandem artem Iudaicam, ita, vt illis diebus non facîle queas dignoscere, vtrum plerique nostrorum iocò, vt in comœdia, an seriò, Iudæos agant. Veniet enim tempus, quando non soli Iudæi, verùm etiam multi Christiani pecuniam suam in fœnore collocabunt. Sed quid dico veniet? Iam venit. Nam ante 5. annos scio quendam Ciuem Polonum in tractu Cracouiens. datis fœnori florenis quadringentis, ex eadem pecunia fœnus centum flor: sibi accepisse, ab altero nobili. Itaq; factum est, vt qui volebat mutuos accipere quadringentos florenos, quot nimirum opus habebat, trecentos accepit. Qui quidem fœnerator est mihi benè cognitus. Sed ne ei constare inuidiam videar, potiùs subticendum esse duxi. Nam vt corpus vmbra, sic virtutem sequitur inuidia, Est scilicet hæc non postrema politica virtus quærendi opes. Audiui & alterum quendam hoc idem facinus patrauisse præterito anno, cuius etiam nomen, eandem ob causam, silentio inuoluo. Veritas siquidem odium parit. Hoc est primum scelus Iudæorum exitiale, quod hac infelici senectâ mundi Iudæi communissimum habent cum plurimis Christianorum. Cui quidem sceleri iam paratus est ignis æternus, Iam enim omnes huiuscemodi iustissimo Dei decreto iudicati, & nisi resipuerint, condemnati sunt per Prophetam. Quærit enim ille in spiritu: *Domine quis habitabit in tabernaculo tuo, aut quis requiescet in monte sancto tuo?* Tandem respondet: *Qui pecuniam suam non dedit ad usuram.* Fœneratores, tanquàm isti idli essent peccatores, in sacra scriptura, omiſſis alijs, prædicantur esse alieni, atque inepti Regno Dei. Alterum atrox facinus horum canum famelicorum est, per totum orbem cædes puerorum Christianorum. Anno Domini 1494. in Vngaria Tiruanæ Iudæi seniores cum Christianum adolescentem occidissent, & scelus patefactum esset, comprehensi, & victi, antequam pœnas darent, cruciatibus adacti, quatuor causas facinoris fassi sunt. Prima, Gratia circumcisionis, quòd hominis Christiani sanguis intra circumcidendum præputio illitus, sisteret cruorem, & saluberrimo adiumento foret. Altera, fauorum: Nam si in ferculo alicui daretur ad comedendum, ad conciliandum animum admodum conferret. Tertia, Menstrui: Nam cum inter eos viri ac mulieres menstruum sanguinis profluuium iuxta patiantur, epoto Christiani sangui.

ni sanguine illico liberantur. Quarta. Consuetudinis, reconditiq; de-
creti, apud eos enim clam decretum erat, vt quotannis in aliqua regi-
one Iudæi Christianum Deo sanguinem libarent. Tertium horren-
dum ac nefandum scelus recutiti gregis, Vatinianum odium in Chri-
stum Dominum, Deum & hominem, verū Messiam. Vbiq; enim
subolfecerit vestia præsentiæ illius, quærit eum trucidare, quærit a-
nimam innocentissimi pueri, cum crudeli Herode, in diuinissimo Eu-
charistiæ sacramento, quem ibi præsentem adesse credit, eripere. Te-
stis est Calimiria Cracouiens: testis Posnania, testis Bochnia, & a-
lia multa loca, quæ recensere non est præsens negotij. Vos vos o
Magistratus supremi appello. Si quem certò persuasi essetis volūate
peruersa & obstinata turari cupere Principem aut Regem vestrum, si
demum huius Principis vestri vitæ aut honoris insidiatorem noueri-
tis aliquem, nonne eum continuò acerrima morte à vita tollendum
esse duceretis, & decerneretis? Hic est Rex, hic Princeps vester Chri-
stus Dominus, hunc Iudæi non semel sunt furati, huius salutis & ho-
nori non semel sunt insidiati, imò occiderunt, interfecerunt, trucid-
arunt, & hucusque insidiantur. Cur per Deum immortalem quos iam
pridem cruci affixos esse oportuit, liberos per regnum vestrum vaga-
ri finitis? Tollite malum de medio vestri, & manus vestras sanctifica-
bitis. Quartum scelus, videmus nonnullos verporum, causa sui tur-
pissimi lucri veste clericali, in dedecus sacri ordinis, abuti. Hoc autē fa-
ciunt, non nisi, qui sese corā imperita plebecula iactant atq; ostentant
Medicos, hacq; veste sola sibi opinionem aucupantur. Vulgus enim
ex veste iudicat. Vnde est illud, quòd omnes togatos ac palliatos, sa-
cerdotes appellet, etiam si non sint. Cuius quidem rei callidus Iudæus
non ignarus, in ouium vestitu, vt ita dicam, medicum sese insinuat in-
gratiam miseræ ac ieiunæ plebeculæ in Polonia. Sed, proh dolor, cur
tantum malum viget in polonia? cū in alijs regionibus, vbi leges di-
ligenter ac religiose custodiuntur, hoc facinus Iudæum impium pa-
lo affigit, & ad mortem malæ crucis adigit. Adeò Iudæus nusquam nō
imponit. Pudet quidem dicere, sed tamen in medium proferam. An-
te annos aliquot, cū primū mediā Quadragesimā Cracouiam ve-
nisssem, nec adhuc fortē quēpiā nossem, veni in ædem Diuæ Marię,
vt tanquā verus Catholicus, confiteri possem peccata mea, sed cū ne
minē Sacerdotum reperissem, exiui. Interim dum oculos conijcio in
turbam, ecce Iudæus ante ipsos fores templi astitat, amictus veste sa-
cerdotali, Doctorem sese medicum iactans, ultra progredi timet, ne
à Scho-

à Scholaribus, quibus est perpetuum cum Iudæis odium, interturbetur. Inscius conditionis ille cuius fuerit, & generis, reuerenter aperto capite, accessi ad eum, & rogavi, vt confessionem meam, pro suo pastoralis officio, exciperet. Expalluit ille præ timore: Verebatur enim, ne ex eo pœnas sumerem, propter pudorem, quo vehementer suffusus eram, & cuius ipse causa erat mihi. Quocirca quæro ex vobis ô Antistites, cur hoc cedit illis impunè, quod contra promulgatas leges eiuimodi vestitu, in contemptum Sacerdotum, superbiant, & publicè eis amicti incedant? Cur non pœnam contumaciæ subeunt? & reuertus à toga & pallio ad tunicam, & crocatam detruditur? Quintum denique scelus gentis perfidæ, quia cum sciat, & credat, iam in mundum venisse, & cum hominibus palàm conuersatum fuisse verum Messiam suum, Christum, scilicet, I E S U M Dominum nostrum, mundi saluatorem, ac omnia, quæ de illo Sancti prædixerant Prophetæ, impleuisse, propter inexpugnabilem mentis lux peruersitatem, & pertinaciam, non vult eum adorare, sed fingit se alium expectare. Sic enim ex Suida Græco, Doctore antiquissimo, excerptum Laurentius Valla interpres Latinitate donauit illustre quoddam exemplum Philippi, Aulici Cæsaris Iustiniani, Iudæum Theodosium ad Christi fidem reuocare conantis, & secreta Iudæorum sibi aperientis, in hæc verba cum refert. Temporibus Iustiniani Cæsaris, Christianorum optimi, electus erat Princeps Iudæorum, nomine Theodosius. Is erat Cæsari, & pluribus alijs, in aula bene notus, præ cæteris tamen singulari perpetuoq; amore complectebatur Philippum. Et verò cum sæpenumerò Philippus Theodosium admoneret, vt reiecta superstitionosa infidelitate Iudaica, in Christianorū numerum inscriberetur, & fidem veram Apostolicam, & Catholicam profiteretur. Quodam tempore familiarius cum eo agendo, liberè dixit illi: Cur tu, cum sis Doctor prudens, & legisperitus insignis, Prophetias omnes de Christi aduentu impletas, & consummatas esse non ignorans, Catholicam tamen fidem non profiteris, quæ te in statum vitæ æternæ inducere possit? Proinde cum tibi scripturæ passim sint obuiæ, confide in Deo saluari tuo, & Domino nostro I E S U Christo: nam qui non credit in nomine eius, igne æterno cruciabitur. Interim Iudæus ad hæc sic respondit: Grato id accipio animo Philippe studium tuum cupiens me in viam salutis inducere, iuxta professionis Christianæ institutum: vnde, quid tibi dicam, tanquam starem in conspectu Dei æterni, sic religiosè me audire velis referentem. Certò scio, & nullatenus dubito Iesum

to IESVM CHRISTVM NAZARENVM, qui in lege nobis & in Prophetarum scripturis erat promissus, quem Prophetæ prædixerant venturum esse verum Dei Filium, iam & venisse, & in medio nostri fuisse, quem vos Christiani summo honore colitis, & oratis in nomine eius; verumtamen fragilitate humana circumuentus, Christianam non profiteor religionem, & reluctor temerè: quoniam nunc quidem cum sim Iudæus, etiam Princeps vocor inter Iudæos, & summè observor, omnibus affluens diuitijs, & copia rerum abundans, quæ beatum me in hac vita efficere videntur. At verò si Christianus fierè, omnibus his bonis priuarer, quæ vitam florentem, & felicè faciunt. Hincq; licet Patriarchâ me crearent Christiani, certè non tantam fortunarum quantam nunc accessionem haberem. Quocirca cauens, ne istas mundanas diuitias amittam, futuram vitam contemno, & aspernor. Nihilominus tamen, vt facilius dictis fidem adhibere velis, constantissimæ amicitia nostræ plurimum attribuens, aperiam tibi abstrusa, & profundissima arcana Iudæorum, quæ inter nos Iudæos abscondita sunt. Nos equidem certo certius scimus, Christum, quem vos adoratis, & diuinum ei cultum defertis, eum esse, quem nobis lex & Prophetæ prædixerant. Idque nobis sole clarius patet, non modò ex eo, quod de illo in scripturis obuium est legentibus, sed etiam ex abscondito arcano, & nemini vnquam diuulgando mysterio, internos Doctores primarios religiosissime seruâdo: quod ego tibi hodie, vt amicorum optimo, & integerrimo, patefaciam. Illo antiquo sæculo, dum templum Hierosolymis esset constructum, erat de more positum apud Iudæos, viginti seniores Sacerdotes Ecclesiæ ministerio destinare, nempe totidem numero, quot sunt literæ in Alphabeto, vnde etiam & viginti libros sacræ scripturæ recipimus, & numeramus: ad vnumquemque enim librum explicandum vnus Sacerdos deputabatur, simulq; nomē & cognomeneus inscribatur. Et verò cum è vita migrasset aliquis ex Sacerdotibus, superstites, consilio factò, in templo Hierosolymitano alium substituebant in locum demortui, numerum Sacerdotum suppletes, e'cctumq; in libros inscribabant, vt patet in exemplo. Eo itaq; die defunctus erat Isaac Benjamin Abrahami & Saræ filius, in locum eius successit Samuel Ezechiel Salomonis, & Uriæ filius: quæ quidem consuetudo apud Iudæos hucusque durat. Accidit autem eo tempore, cum Iesus in Iudæa degeret, mortuus est quidâ ex 20. Sacerdotib. priusquam Iesus innotesceret mundo, & doceret, vt crederent in eum, conuen-

C

runt Iudæi

funt Iudæi, vt eligerent alium, & quilibet eorum suffragium daret, sed cum post multas verborum ambages constare sibi non possent, & votis concordare non valerent, quidam ex eis legislator surgens in medio illorum inquit: Patres seniores, multorum equidem mentionem fecistis, verumtamen nullum hoc munere dignum iudicatis. Ego itaq; filium Iosephi nomino, & in eum consentio: ætate quidem iuuenem, sed probatissimis moribus excellentem, & doctrinâ perfectum, ac insignem, ita, vt nullus ei par inueniatur profectò, tam in scientia scripturarum, quàm in perfectione vitæ, & morum integritate: quod omnibus Hierosolymis inhabitantibus notum est. Id dictum audientes omnes alij Seniores Patres approbauerunt. Iesumq; Nazarenum inter Sacerdotes connumerauerunt, ac dignum præter omnes alios Sacerdotio iudicauerunt. At verò cum quidam ex eis assererent, eum non esse ex tribu & linea Leui, sed ex progenie Iudæ, nemini enim Sacerdotij dignitas seruiebat, nisi qui originem inde duceret. Sacerdos hic respōdit, tribus istas esse inter se commixtas, & inde genus Iosephi procedere. Quod cum dixisset, confirmauerunt IESVM NAZARENVM electum in locum defuncti Sacerdotis. Et quia hic mos erat, vt non solum nomen nouiter consecrati Sacerdotis in libros inscriberent, sed etiam nomen Patris, & Matris; aduocata erat mater eius ad Synagogam, vt palàm diceret, quis esset, & ex quo Patre susceptus, quoniam vocabatur filius eius, iam enim Iosephus Pater eius è vitâ excesserat. Respondit Maria: Confiteor coram Deo æterno, & coram vobis Seniores Patres, IESVM esse filium meum. Sed cum Patrem in terris non habeat, hinc vel maxime perspicere potestis, quia ego virgo existens, virum neutiquam agnoscens, Prophetam Esaiam legens, Angelum de cælo nunciantem mihi filium audiui, & nomen filio imponentem, sicq; virgo concepi, virgo peperì, virgo permansi. Perconetabantur illi: Maria dic liberè, cuiusnam sit filius, vt sic nomen eius inscribamus: qui n. parentes eius à te nuncupati fuerint, illi inscribentur. Maria respondens dixit: Reuera ego illum peperì, sed nescio patrem eius in terris: ab Angelo tamen audiui eum esse filium Dei. Quod cum dixisset Maria, allati sunt libri, in quibus scriptum erat: Die N. è vitâ excessit Sacerdos filius N. in eius locum, omnium Sacerdotum concordantibus votis, electus est IESVS filius æterni Dei Mariæ virginis. Isti libri tempore excidij Hierosolymitani maxima cum diligentia Sacerdotū asseruati erant, nunc autem sunt Tiberiadi, sic dicta ciuitate: de quibus quia pauci

pauci Iudæi sciunt, saltem hi quibus creditur, & mihi, uti primario Doctori, clam reuelatum est. Itaq; non modò ex lege, & Prophetarum lectione scimus euidenter, Christum, quem vos adoratis, esse filium Dei viui, & propter salutem mundi in terras descendisse, sed etiã ex lectione scripturæ illius, quæ est Tiberiadi. Quod cum dixisset Iudæus, illicò Philippus zelo pietatis ductus ad Cæsarem ire properat, illiq; id, quod protulit Iudæus, reuelare, ut quàm ocissimè libros Tiberiade asportare iuberet. Respondit Iudæus: Impossibilia tentas, mille mortes Iudæi potius patientur, quàm eos libros prodere fas ducent. Quòd si infortunio & calamitate aliquà premantur, libros igne cremabunt, & perdent omnino. Quare non sis causa multorum malorum, ego enim tibi, uti amico fideli, hæc communicavi nemini vnquam effutienda, ut scias, quia non ex ignorantia, sed vana quadam gloria, & rerum habendarum cupiditate, Christianam fidem repudio, & respuo.

Interea Philippus dictis fidem adhibens, nihil Cæsari retulit, ut ne Cæsar, optimus Catholicus, frustra magnam stragem edere conaretur: amicis igitur saltem id aperuit, & rei veritatem edisseruit. De hac descriptione Sacerdotum extat locus in libris Iosephi Iudæi de captiuitate Iudæorum, (quem citat sæpè Eusebius Cæsariensis in Chronicis) dicentis Iesum in templo consecrare populum solitum esse cum alijs Sacerdotibus. Quòd cum inuenissem in libris Iosephi Doctoris antiqui, & non multo tempore vigentis post Apostolos, volui etiam id sacris literis confirmare. Legitur enim in Euangelio Lucæ, Dum venisset Iesus in Lycæum Iudæorum, datum fuisse ei librũ, in quo legit Isaïæ Prophetiam: Spiritus Domini super me, ideò, quia vnxit me, ut Euangelizem pauperibus, misit me, & de me intelligendum. Quod si Dominus Iesus nullum Sacerdotij officium habuisset, procul dubio inter Iudæos non illi datus fuisset liber, ut in Scholalegeret, & in templo postmodum populo prædicaret, cum neq; Christianis liceat in templo concionari, nisi qui legitimè consecratus ab Episcopo, & ministerio Ecclesiæ deputatus fuerit. Quapropter iure merito credendum est, verum protulisse obduratum Iudæum de Christo Domino.

Hæc ad extremum de Iudæis verissimè vaticinari audeo. Eos nimirum inani spe ali. Petrus enim Cluniacensis lib. 2. contra Iudæos Cap. 5. auctor est, Iudæos stolidissimos promissionem Abraham factam de multiplicando semine eius sicut stellas cæli, & arenam maris

maris referre ad tempus cū Messias venerit, & eos in sanctam terram reduxerit. Tūc n. quamlibet mulierem eorum, quolibet die filium parituram. Hæc de Iudæis maledictis.

DE CHRISTIANIS.

Iam venio ad Christi cultores, qui nomina sua vero Deo dederūt ut quid illis desit perspiciant tempestiuè, antequam eos Tartarus rapax absorbeat. Christiani igitur sunt duplices. Alij veri, & hi sunt boni Catholici. Alij non veri. Non veri rursus duplices sunt. Alij qui nec videntur esse Christiani, nec sunt, & hi sunt Hæretici omnes omnium sectarum. Alij qui videntur quidem esse, & non sunt, veluti rustico orichalcum aurum. Et hi quidem sunt mali Catholici, qui etiam in sacris literis designantur per paleas tritici. Horum omnium est imago & similitudo in corpore nostro expressa. Nam quemadmodum in nostro corpore alia sunt membra: ut, caput, thorax, manus, pedes, & aliæ minutiores partes. Item, sanguis, ossa, cæteræq; similes partes, quibus sanis, nobis bene est: Ita quoque in Ecclesia sunt primò boni Catholici, qui credunt Deum esse trinum in personis, vnum in essentia, qui vnam sanctam Ecclesiam Catholicam Romanam Apostolicam puro corde, ore, & opere profitentur. His sancta mater Ecclesia tanquam proprijs membris gaudet, ac delectatur. Et sicut in eodem nostro corpore sunt humores pravi ac noxij: ut, cholera, melancholia, phlegma: & excrementa, ut sterminus, vrina, mucus, sputum, sudor, quæ corpus tanquam sibi nociua ac contraria expellit. Hæc autem antequam egerantur, vehementer nos excruciant, eiecta autem omni dolore leuant: Sic etiam Ecclesia Dei antequam molestissimum onus hoc & tormen ventris sui (hæreticos nimirum) deiciat, gravissimè eam affligi excruciarique est necesse. Iam verò ut deiciens non potest non perfundi gaudio, dum sentit se onere leuatum esse: pari ratione, dum fætida ista excrementa (qualia erant illi non bipedum modò, sed quadrupedum etiam impurissimi Diabolicæ sectæ assectores: Arius, Hus, Calvinus, Lutherus, & sexcenti alij hæreticorum antesignani, & infernales titiones) mater Ecclesia ex gremio suo, tanquam ex aluo cum mordicatione toras egressit, & gehennæ destinauit, gaudet, vehementerq; lætatur. Deniq; sicut in corpore nostro sunt multæ superfluitates: ut sunt pili, vngues, verrucæ, & id genus alia, quæ quamvis non sint membra nostri corporis, tamen ex eo profecta, ad

ta, ad illius ornamentum pertinere videntur. Et quoniam hæc non cruciant quidem, sed, producta supra modum, leuiter molestant, idcirco solent radi, præcidi, atque foras, vel in ignem deijci: Non secus mali Catholici, etiamsi partes nostri corporis, & membra capitis eiusdem quodâmodo esse appareant, non tamen ob hoc sunt: Et quoniam excreti & multiplicati inter nos deformant, deturpantq; corpus Ecclesiæ, idcirco præcisi ac in fasciculum colligati in ignem projicientur, tanquam nulli vltui apti. Agè verò, vt hæc omnia, quæ hac tenus de Christianis dicta sunt, alicui vsui nobis esse possint, vaticinijs posthabitis, Medicum agam. Ad vos igitur ô viri in magistratu positi, verba facio, vos mea spectat oratio. Si vultis futuris annis sanitati vestræ bene consulere, nec ad mortem ægrotare, hanc, quam vobis medicinam asferro, sumite. Purgate corpus hoc vestrum, potestis enim, saltem velitis, Ciuitatem intelligo, noxijs humoribus, scilicet hæreticis, qui sunt sentina omnium malorum, perpurgate, & perfectâ sanitate perfruemini. Præscindite vngues nimis prominentes, radite cæsariem capitis vestri. Quod vos tunc primum præstitisse existimabitis, cum eorû, qui in Catholicorum bonorum palliolo tanta patrant scelera, quanta ne inter gentes quidem, feras illas, & barbaras, audita vnquam fuere, non cultro vngues præscindi, non capillos nouacula radi volueritis, sed manus securi amputari, capita nebulonum actenebrionum omnium, gladio, quem gestatis ad vindictam malorum, & defensionem bonorum, decollari contenderitis.

DE CRACOVIA.

INCOLÆ & habitatores Cracouienses: proximo & sequentibus annis non poterunt, tutè & tranquillè, ac placidè vitam degere, propter aspectum Martis: Duobus enim ingentibus prementur malis. Quorum primum erit bacchatio: Instabunt enim quidam furiosi grassatores, imò potius latrones, qui à prima face noctis, vsq; ad primum sæpè diluculum omnia loca, omnes plateas, vicosq; circumuehentes, in eos, quosunque armis, & viribus sibi imparesprehenderint, vel etiam quos imbelles agnouerint, sæuentium instar ferrarum, debacchabuntur: eos verò, qui sibi superiores visi fuerint, non aliter atq; oculi noctuæ lumen solis, aut Crocodylus persequentem se effugient. Sunt enim simillimi Crocodylo, cuius hanc ferunt naturam, vt persequentes se fugiat, fugientes autem perniciosissime persequatur

sequatur. Equidem fæce illa & colluione hominum (quos passim Clepardienses milites vocamus) sub concauo lunæ quid potest esse vilius ? quid abiectius ? quid sordidius ? In quos verè illud quadrat : *Nos numerus sumus, & fruges consumere nati.* Cùm enim labores hominum isti gurgites ac voragines depascant, ac helluentur, ipsi verò in commune sua opera nihil conferant, tantum singuli, singulis diebus annonæ ciuitati liguriunt, quantum vno die inuitati conuiuæ 365. cõsumerent. Vnde patet, si sint eiusmodi homines centum (sunt autem mille) quantum bonorum hominum panis singulis diebus auferant ac deuorent ! Interdiu vrsi ac lupi isti carniuori in receptaculis suis delutescent, quandoq; etiam speciem bonorum simulant ac gerentes, in solem procedere non verebuntur, conuersariq; cum hominibus audebunt. Hespero autem oriente, se ex iisdem repentè, tanquam serpentes è latibulis suis, efferent. His non erit nouum, vestibus, nullo habito respectu sexûs, ætatis, conditionis, dignitatis, exspoliare, imò (proh dolor) denudare. Memini Anno Domini 1609. in platea Sutoria, cuiusdam ciuis famulam, missam allatum cereuissiam suæ heræ, vbi extra limen primâ noctis egressa est, illico omni vestitu priuatam ac spoliatam fuisse : Clamauit illa, vix ingeminabat, nil profecit. O si adfuitisses tunc, quasi rursus ex vtero materno recens prodijisse eam videre potuisses. Non erit præterea nouum, simulare se cum alijs armis decertare, iaculari, nonnunquam, vt commodius, quod est intus reconditum, furentur, effringent multorum fores, auellent claustra, non erunt pigri, ad cantandum, clamandum, vociferandum, ne deferatur strepitus ac stridor ad aures patrisfamilias, suorumuè quempiam. Has sordes ac fæces Ciuitatis, quidam, aliàs honestiores, imitabuntur, non quidem causa furandi id facient, sed quia, decepti similitudine (cùm præclarum sit gerere bellum contra hostem Patriæ) speciosum quoque illi putabunt in via lapidea militare. Et est captio Sophistica. Hic non possum satis mirari quosdam Thyrsigeros, qui quamuis diligenter Elenchos Arist: audiuerint, vnico tamen hoc sophismate tam facile illaqueentur ac irretiantur. Plures tamen ab aulis, negotij inopia, debacchabuntur: Paucissimi omnium artifices manuales, scient enim se non ad bacchationem, sed magis ad crepidam esse natos. Huc accedet, quòd edocti suo, suorumq; periculo sapient, iuxta illud : *Phryx plagis melior.* Tenebunt enim recenti memoria, quæ ab his omnibus, quos supra enumeravi grassatoribus, annis superioribus, dum tempore nocturno saxa volabant, acceperunt. Ante ali-

quos

quot annos incidi in quendam magnum atq; honestum virum, qui mihi certo certius affirmabat, priscis seculis hæc Legato S. C. Maieſt. accidisse. Hic missus erat in Poloniam ad Sac. Reg. Maieſt. qui ut Clepardix pedem fixisset, conspexit furiosorum & bacchantium virorum multitudinem, quorum quidam (ut nostris mos est) vociferari, quidam quasi ebrij minitari, quidam ad arma prouocare, gladios euaginare, quidam multitudinem plebis in fugam vertere cœperunt. Tantis malis perterritus Germanus, ex equo decidit, & in fugam se coniecit, ratus enim intestinum & ciuile bellum exortum fuisse (nunquam enim antea fuit in Polonia) ac ob id vitam tuam in medium periculum proiectam, ut saluus & incolumis euaderet, subito Cracouiam se recepit. At cum & illic non absimilia conspexisset, quosdam enim bombardas explodere vidit, quosdam se quasi insequi aduertit, miser vehementi terrore percussus, in templum D. Marci profugit, & ceruo velocior ibi se abscondit, existimans se ibi periculum euadere omne. Et ecce Monachus quidam eiusdem conuentus incolæ, fortè fortuna pertransiens (missus enim erat à superiore petitum elemosynam) in platea grauius vulneratus, ducitur in Monasterium, vix incedit, sanguis sisti non potest. Quo animaduerso Germanicus ille Orator, hæc in animo suo cœpit cogitare: Si domestico, & quod maius est, sacerdoti, præterea imbelli Monacho, qui nulla secum gestat arma, non est paritum, qua ratione ego, cum sim alienigena, hæc tutus esse potero? Ergo cursu præpropere in arcem Regalem euolabo, tanquam locum tutiorem. Nec multum itineris confecit, & iam iterum videt in foro iacentem occisum hominem, eminens hominum turbam aduertit grassantium, gladios stringentium, passim in obuios debacchantium. Tandem secum ipse sic loquitur: Iam non est cur dubitem, quin arx Regia sit clausa, ut Særenissimus Rex ab incursione istius vulgi indomiti, & seditiosi sit liberior. Non mihi ad eum patet interim aditus. Quocirca reuertar ad Sac. Caesar: Maieſt. & omnia quæ oculis meis vidi, quæ auribus hæc audiui, referam. Qui cum rediisset, flexo poplite coram S. C. M. in hæc ferè verba prorupit: Primo omnium à Caesar inuictissime, Deo tantas quantas mente concipere possis, ago & habeo gratias, qui me hucusq; illa sum, & incolumem reduxit, nec manibus seditiosorum hominum discerpi permisit. Deinde nuncio tibi miserrimam esse faciem Ciuitatis Craco: plena est tumultu, plena seditiosorum hominum multitudine, pleno bello intestino, ac domestico. Nulla pax ibi viget, mortali generi placidissima, non tutus in plateis transitus, non in priuatis adibus commemoratio, non in templis, ubi Deus Opt. Max: solet adorari, & pia mente

coli, vlla

sol, vlla quies habetur. Arcis Regia porta omnes occlusa & obstructa sunt, unde nemini licet ad Regem accedere. Idcirco enī ego rebus infectis coactus sum redire ad S. C. M. T. & hac tibi nūciare. His auditis Cæsar infremuit, & tristatus est vehementer: & turbato erat animo. Interim quidam Polonus nobilis, non ignarus legum Patriæ suæ, morumq; populi, qui tunc in aula Cæsariscōmmorabatur, volens persuadere Gentem Polonam excelsi esse animi, nec adeò horridam & barbaram erga cæteras gentes, hac oratione animum Cæsariscōmœrore leuauit, sicq; cum blandis verbis aggressus est detinere: *Esse bono animo & placabili ò Cæsar inuictissime, neq; quicquam pertimescas de Polonia, aut inhabitantibus eam, tantam tranquillamq; pacem Serenissimus Rex, Senatus, & populus Polonus trahit. Non bellum, non ciuilia dissidia, sed mores & validi pectoris ausus vidit hic orator. De more enim & antiqua consuetudine est receptum apud nos venustus multis & varijs armis vir militaris incedat, ita vt si videris, potiùs vendere velle, quam illis vti, dixeris. Militia est stolidorum intra muros iaculari: fortitudo in foro cades agere, & stragem ingentem edere: laus imbelles armis repellere, fugare, auertere: claustra auellere: virtus, siue plebeium, siue nobilē occidere, signa propria viribus aduersarium suum non vici, sed eum in ius vocare. Taceo peiora. Hæc & similia, cum illa sua satis diserta oratione (vt erat orator in aula Cæsarea præcipuus) Polonus narraſſet, atq; in laudes eximias Gentis suæ excurrisset, omnes simul fremebāt, suspensiq; & quasi obstupescit itabant. Tandem Cæsar ridere, omnes cachinnari, legatum sibilis excipere cæperunt, eò quòd talis casus minùs rem ipsam consideranti euenisset. Ac vt eò iam vnde digressus sum, reuertar, aio. Si magistratus volunt, vt Ciues sui ocio fruantur iucundissimo, commodissimoq; si que cupiunt, & remis (vt aiunt) velis que contendunt, vt fabulam hominum euadant, & risum exterarum nationum euitent, perpurgent ciuitatem suam, eiſciant lutum fætidum eius, eluant sordes ubiq; scatentes, aliàs non erit pax. Secutum multò execrabilius malum premet atque vrgebit hanc ciuitatem, perpetua discordia, certus Rerumpub. interitus inter ciues regnabit. Cuius causa erit diuersitas cultus Deorum. Quæ enim participatio iustitiæ cum iniquitate? Aut quæ societas lucis ad tenebras? Quæ autem conuentio Christi ad Belial? aut quæ pars fidelis cum infidelis? Qui autem consensus templo Dei cum Idolis? Dominabitur autem tamdiu hoc malum, quamdiu vel vnus in ciuitate manebit, qui religionem puram & orthodoxam fidem Romanam velit conspurcare. Quoniam posita causa, ponitur effectus, & sublata eadem, tollitur quoque, vt*

Philoso.

Philosophus verissimè dixit: Non est itaque sapientis putare, vt du-
rantem causam non possit effectus consequi. Sed quid opus est mul-
tis? Commemorate vobis omnes tumultus atque seditiones ciuita-
tis huius vestræ, ab illo anno infelicissimo incipientes, quo primùm
hoc genus Gabaonitarum à Tartareo Orco emissum apud nos pere-
grinari cæpit. Commemorate, & inuenietis nullam seditionem maio-
rem, & vobis periculosiorem vnquam accidisse, quàm eam, cuius cau-
sa Hæretici fuere. Vidistis oculis vestris innocentissimum sanguinè,
proximè præterito, id est, 1611. anno, à rabida Hæreticorum fren-
dentium colluione passim effusum esse. Hi enim lupi, ne videren-
tur exuere vestitum ouium, non ipsi omnes suis manibus cruentis &
sacrilegis, sed precio conductis ac mercenariis, illam quam semper
spirant, siue conuiuentibus, siue annuentibus ijs quos prohibere po-
tius decebat, eadem & occisionem Christianorum fecerunt. Et cum
neminem Catholicorum sibi resistere, ne dicam vim aliquam inferre,
vidissent, suam verò insatiabilem crudelitatem iamiam exercere, ad
id eos instigante Cacodæmone, decreuissent, quosuis obuios Catho-
licos sine delectu necandos trucidandosque denotauerunt. Nostis e-
nim quàm fortes sint milites pueri, tamen horum illi non paucos sce-
lerati iaculis & bombardis traiecerunt. Nostis quàm pugnax vita Sa-
cerdotum, tamen quendam presbyterum, vitæ integerrimæ, ac inno-
centissimæ hominem, ad eadem omnium Sanctorum Vicarium, in
medio cæmiterio horas Canonicas recitantem, grauissimis vulneri-
bus affecerunt. Hæc sunt funestissima initia, quibus nisi in tempore
occurreritis, actum de vobis. Nam præter incommoda assidui tumul-
tûs, tales erga vos ministros ventris sui cognoscetis, quales vicinæ,
& aliæ plurimæ gentes remotiores, expertæ sunt. Cauete igitur, si
qui tales estis, ne cum Iuda Iscariote religionem Catholicam, Chri-
stianam, atque adeò multò potius Christum ipsum, triginta aureis Mi-
nistris sathanæ diuendatis, atque in manus peccatorum tradatis. Quod
si feceritis, accipietis mercedem fratris vestri Iudæ. Hei mihi, quòd
non liceat prædicere, quæ liberet exprimere, quæque futura
esse scio, denunciare. Sed (proh dolor) Cracouia, imò tota Polonia,
patieris multa indigna. Senties virtutè libertatis, seu potius, disso-
lutæ consuetudinis, licentiæ, & impunitatis. Vide Domine Iesv,
confidera, iudica, vindica.

DE MVLIERIBVS.

VT quoque de garrulo atque vaniloquo grege mulierum bene mereri possimus, ex iis, quæ multi multa vaticinia de mulieribus literis consignârunt, placet pauca in gratiâ illarum afferre. Quale est cum primis illud, quod inueni in quodâ veteri codice: *Mulier hominis confusio est, continua sollicitudo, indeficiens pugna, quotidianum damnum, solitudinis impedimentum, adolescentiæ naufragium, animal pessimum, pondus grauissimum, aspis insanabilis, humanum mancipium*: & vt ait D. Chrysost. *amicitiæ inimica, ineuitabilis pœna, necessarium malum, naturalis tentatio, desiderabilis calamitas, domesticum periculum, delectabile detrimentum, mali natura boni colore depicta*: si iniuriam patitur, insanit: si honorem accipit extollitur: si potentis uxor sit, non cessit nocte atque die callidis stimulare sermonibus: blanditur nequiter, & quod vult, rapit violenter. In summa: *Omnis mulier sagitta demonis, insatiabilis vorago, ianua inferni*. Nonnulli feminas monstra esse hominum aiunt, & propter calorem deficientem nasci. Quod idem iterum Diuus Chrysostomus comprobabat: *Nulla bestia comparabilis mala mulieri*. Et Mim: *Mala uxore pœna nulla acerbior*. Nec ab his dissentit D. Ambrosius: *Magna animæ amaritudo est in domo uxor tristis*. Quid Eccle. 28. dicit? *Non est caput nequius super caput colubri, & non est ira super iram mulieris*. Commorari leoni & draconi placebit, quàm habitare cum muliere nequam. Nequitia mulieris immutat faciem eius, & obcæcabit vultum suum tanquam versus, & quasi succum ostendet in medio proximorum. Ingemuit vir eius, & audiens suspirauit modicum. Vt interim missum faciam Petronium Arbitrum, cuius hæc de muliere extant verba:

Famina nulla bona est, quod si bona contigit vlla,

Nescio quo fato res mala bona facta est.

Vnde illud peruulgatum:

Aspide quid peius? Tygris: quid Tygride? Damon.

Damone quid? Mulier: quid Muliere? nihil.

Cui consonat illud Eccle: 7. *Virum, de mille vnum reperi: mulierem ex omnibus non inueni*. Quo fit, vt multi, cum superent dæmonem, superentur à mulieribus. Vnde ait quidam:

Adam, Samsonem, Petrum, Dauidem, Salomonem.

Detcepit mulier: quis modò tutus erit?

O malum summum, & acutissimum telum Diaboli mulier. O malum
omni malo peius mulier mala. O malum intolerabile, vipera irre-
mediabi-

mediabilis, venenum insanabile, mulier mala. Auguror itaque, proximo anno, & aliis sequentibus, non fore fidus maritis suis, nedum amasii. Viros quidem in ore, amasios in corde gestabunt: Anima autem plus est, vbi amat, quàm vbi animat, illudque Catulli completum iri:

Mulier cupido quod dicit amanti,

In vento, & rapidâ scribere oportet aquâ.

Non est in speculo res quæ speculatur in illo:

Apparet, & non est in muliere fides.

Hinc quidam,

Hæc dicta velim intelligi tantùm de malis mulieribus: nam de bonis (quæ sunt albo coruo rariores) nihil hoc loco dico, quæ etiam ipsi mihi, si quid bene fecerint, placent. Ne itaq; turbentur, sed bono animo sint, meque se tacitè laudare, & prædicare semper existiment, & postea integris libris laudaturum sciant. Quî enim fieri potest, vt bonû vituperem? præsertim cum etiam in sacris literis opt. mæ matronæ, multis nominibus celebrentur. Et primò quidem Eccle: 26. *Fundamenta aterna super petram solidam, & mandata Dei in corde mulieris sanctæ.* Et Prouerb. 12. *Mulier diligens corona est viro suo, & putredo in ossibus eius, qui confusione res dignas gerit.* Deinde Eccle: 9. *Beatus qui habitat cum muliere sensata.* Et 26. *Mulieris bona beatus vir: nam numerus dierum eius conduplicatur. Mulier fortis oblectat virum suum, & annos vite illius in pace implebit. Pars bona mulier bona, in parte bona timentium Deum, dabitur viro pro factis suis.* Tandem Prouerb: 18. *Qui inuenit mulierem bonam, inuenit bonum, & hauriet iucunditatem à Domino.* Etenim (vt est Prou: 26.) *sicut Sol oriens in mundo in altissimis Dei: sic mulier prudens in ornamentum domus suæ.* Vnam verò præcipuè Dei sobolè & creaturam ab his interim excipio, quæ iam est bona; neq; nobis (nobis inquam) qui sumus Arcades ambo virtutum, castè displicet. Sit ergo hoc in æternam eius memoriam testimonium, & monimentum virtutis. Nomen Virginis Sapientiæ; cui hæc dare, atque dicare libuit. Hanc enim ob illius præstantiam, formositatem diligo, hanc amo, sed & propter eius Animum Mitem, quem suauissimè diligentissimeque colo & obseruo, tueor ac veneror. Cum hac viuere, cum hac mori cupio, & exopto; sed cum Sapientia, Cæteras contemno, ac reformido, innixus autoritate sacræ scripturæ, Prouerb: 7: *Dic Sapientiæ, soror mea es, & Prudentiam voca amicam tuam, vt custodiant te à muliere extranea, & ab aliena, quæ verba sua dulcia facit.*

Vaticinium ex Sphygmica arte desumptum,
quo arcana suspectarum mulierum de-
teguntur.

SI verò noscere cupis, sitne mulier obnoxia delicto, an immunis,
de quo tibi est suspecta, hoc vaticinii loco habeto ex pulsibus.

Tange eius arteriam, interea verò temporis perterrefacito ipsam
verbis tuis, asseuerando te scire ipsam non esse extra culpam. Si enim
deliquit, incidet statim in animi perturbationem, timorem scilicet,
vel mœrorem, vel timorem simul cum ira. Eas autem animi affecti-
ones conantur plurimæ celare, sed pulsus detegunt eas, & produnt
ipsis inuitis. Fiunt autem pulsus primò parui, languidi; postea inæ-
quales anonymi, iam parui, iam magni, iam celeres, iam tardi, iam
crebri, iam rari, iam vehementes, iam languidi, sine vllò ordine. Per-
seuerat autem ea pulsum inæqualitas, & ataxia aliquousque, nec ci-
tò disperit. Quare repetitis vicibus, iterum atque iterum tangenda
est arteria mulieris, vt scias, citòne sedetur pulsu inæqualitas, & ordi-
nis perturbatio. Sunt enim nōnullæ naturæ timidæ, quæ ob quascunq;
etiam leuissimas occasiones expauescunt, licèt sint innoxie. Sed tali-
bus citò desinunt pulsum innouationes, & sicut ex abrupto incipi-
unt, ita repente pereunt: illis verò lentè, quæ culpæ sunt obnoxie.

Hoc modo Iosephus Scruthius Posnaniens. Medicus, circa annum D.
1555. ex pulsu vxorem cuiusdam viri Nobilis correptam fuisse amo-
re iuuenis adulteri cognouit. Cùm enim assideret quadam die ei fax-
minæ, cæpit de industria percunctari res plurimas ab ea, quarum co-
gnitio ad curandam eam (nam maritus eius medendi causa in febre
curæ eius eam commiserat peregrè proficiscens) videbatur esse neces-
saria: interim verò manum eius attrectabat, & tangebatur arteriam in-
terpollatim. Insinuauit etiam mentionem multorum hominum co-
ram ipsa, quos nominatim recensabat. Quum verò inter cæteros no-
minauit eum, quem ipsa deperibat, cæpit illico pulsus variari, ac ex
naturali fieri multò minor, celerior, crebrior, & languidior, sed in iis
omnibus inæqualiter, commutans sine vllò ordine, pulsus paruos in
magnos, debiles in languidos, & vicissim hos in illos: similiter & ce-
leres in tardiores, crebriores in rariore, & è contra. Perseuerauit ea
pulsum immutatio aliquousque, nec citò desinit. At ille tunc conie-
ctura est assequutus, illum ipsum fuisse eius adulterum, ad cuius com-

memora-

memorationem ipsa tantum expauit, & pulsus perturbauit: quod non contigit alias, dum aliorum iuuenum, præter adulterum, mentionem faceret. Talem autem pulsum in ea reperit ad recordationem sui adulteri, qualis fit in timore, dum ei repugnat ratio, & facit hominem anxium, & distractum. Hoc secretum tibi qui legis valde vñ fore non ignores, si de eo mulierem omnem celaueris.

Vaticinia notatu digna de Nouerca.

Non licuit mihi in meis vaticiniis, sicco (vt aiunt) pede Nouercas transire, ne, si fortè se contemni à me arbitrarentur, iniquo erga me animo futuris annis sint, cum etiam illæ de nobis, quibus eas aliquando habere contingit, similiter mereantur. Nemo autem mirabitur, Nouercam peiorem esse pessima quauis muliere, quæ ea, quæ paulò superius de mulieribus in communi literis mandauit, perspecta habeat. Nam præter id, quod sit mulier, est etiam Nouerca. Itaque cum binas causas habeat suæ peruersæ malitiæ, quid mirum est esse eam improbam? Imò verò, si quando bona est, obliuiscitur naturæ suæ duplicis. Sed ne ei facere iniuriam videar, si nimirum rem nudis verbis prolatam, certis & euentibus rationibus, & argumentis non comprobauero, in gratiam illius, proferam in lucē de illa antiquorum præsentissima testimonia. Neque enim veteres illi viri, benigniores vnquam erga se Nouercas experti fuerunt. Sic namque de lua inquit Tragedus Seneca:

Tulimus seu iussu Nouerca,

Hosilem animum, vlnuq; cruces.

Virgilius quoque non ab simile de sua scriptum reliquit:

Est mihi namq; domi Pater, est iniusta Nouerca.

Quinetiam idem ipse Virgilius, non aliter atque de veneficis & incantatricibus sentit, dum priuignis hanc præparat, contra illarum venena & incantationes, medicinam:

Media fert tristes succos, tardumq; saporem

Felicio mali: quo non præstantius vllum,

Pocula si quando sua infecere Nouerca,

Miscueruntq; herbas, & non innoxia verba.

Neq; etiam ab hoc dissentit Ouidius ingenio sus Poëta:

Lurida terribiles miscent aconita Nouerca.

Cui Sententiæ assentit & Euripides, qui eam cum horrida vipera confert: *Inimica consequens Nouerca liberis prius genitis, vipera nibilo clementior est.* Et vt multa in pauca contraham, illud solum documento

esse potest, quanto odio prosequantur nouerca suos priuignos, quod passim ab Authoribus usurpatur. Hi enim quando volunt exprimere acerbiter & atrociter odij illarum, dicere consueuerunt: *Odi-um nouercale*: quemadmodum etiam dicitur: *Odi-um valinianum*, quod nullum videbatur esse crudelius: *Et nouercari* verbum quid aliud sonat apud Latinos, quam more Nouercarum agere: hoc est, malignè & inimicissimè: Etenim Nouerca ferè omnes, odio quodam fatali prosequuntur Priuignos: Nec aliam credo causam fuisse, quod Aphtonius Sophista non permiserit deffere mortem Nouercarum, sed potius tunc maximè gaudere, letari, & exultare præceperit, cuius verba subiicere mihi placuit:

Rideatur qui ad tumultum Nouerca fuerit lachrymatas.

Quæ omnia cum ita se habeant, videant obsecro patres, quibus est animus ad secundas nuptias, post defunctam vitam matrem, transire, an filiis pro perca scorpis, pro charissima matre, Nouerca sit danda. Hoc enim ne antiquis quidem illis vnquam placuit, vt hac de re non ineleganter Euripides:

Nunquam duplicia connubia laudauero mortalium, nec binas matres habentes liberos. Quid ita? Quoniam vt ille ait:

*Nouerca priuignis semper malum, neq; amantes
Saluant, Phædrum inspicere Hippolytum.*

Hæc velim intelligi de omnibus in genere Nouercis, vnâ excepta, si est aliqua bona. Quapropter ego, cum mihi mors implacabilis, mors inexorabilis, mors erga omnes ferreum cor gerens, matrem eripuisset, suminis precibus à Patre meo petii, vt faceret, ne per suas nuptias, experirer benevolentiam alterius matris: verebar enim nimis eius naturam, & pessimos mores. Nam si mulierem, quæ suæ malitiæ vnicam tantum, quod sit nimirum mulier, habet causam, ferre non possum, quo animo possem Nouercam, quæ duplicem, quod scilicet & mulier sit, & Nouerca? Ex his itaque auguror, omnibus sequentibus annis, Nouercas benignas & benevolas fore suis priuignis, si nullæ erunt. Nam, vt superius dixi, non nisi sublata causa, tollitur effectus. Quippe nolentes volentes priuignos odio habebunt. Quoniam quod fatale est, necessarium quoque esse putandum est. Ne ergo mihi postea bladiatur Nouerca. Hæc sunt pulchra valde de Nouercis scienda, quicunq; legis ea Domine, quibus doctior fias. Quo ergo iustum & verum laborem meum præmio decorabis? Satis mihi erit, si hæc quæ de Nouercis diligenter collegi, atque posteritati scripta reliqui,

liqui, per te nesciant Nouerca: semper enim verum esse ratus sum illud prouerbum: *Noli irritare crabrones*. Quod si feceris, & ego semper tutus ero ab illarum incantationibus, & tu maiora eaque meliora in dies à me expectabis. Ita fac & sapies. Quod verò attinet bonas Nouercas, ne tumultuatim mihi irascantur omnes, non nego posse esse aliquam bonam, dummodò ipsa velit. Sed *Naturam furcâ pellas, tamen vsque recurret*.

De veris Politicis.

Proximis annis instabit genus hominum, qui vocantur Politici. Horum mores, si verè Politici debebunt dici, eiusmodi erunt in templo. Nam aliis in locis iam illi ipsi scient per se, quid facere eos oporteat. Quando non habebit alter illorum quid domi agat, die præsertim festo, conferet se in templum, atque ibi si se signo sanctæ Crucis munierit, satis erit. Orationem verò Dominicam committet Monachis, vetulis, & senibus; aliquando etiam semel tantum eam recitare poterit, si voluerit, & quidem non flexis genibus, vel sane vnico dūtaxat poplite, idque suppositis chirothecis, ne sibi caligas maculet, aut vestem; non aperto capite, ne hyeme ex frigore lædatur, æstate verò supernè puluere respergatur. Præ omnibus enim amanda est mundities. Vertet autem faciem ad homines, tergum verò ad altare maius: siquidem etiam homines sunt honorandi; præcipuè verò honestæ matronæ, aut elegantes Virgines. Præterea ut Politicus aliàs cautus, ita & hîc videat, ne sibi aliquis inimicus quidpiam insidiarum à tergo struat, sicque incautum opprimat, aut certè ne sibi exitus è templo clausis valuis obstruatur. Sed & toto illo tempore, quo adest Diuino officio, miscebit sermones cum aliquo sibi simili, quem inter tot homines haud difficile erit prudenti Politico inuenire, etiamsi aliquando ex industria per totum templū querendus sit, vel secum propter certitudinem adducendus, causâ deuotionis: est enim pium opus. Et quoniam *Nauita* (vt bene dicit quidam Poeta) *de ventis, de tauris narrat arator*, Cur non etiam Politicus dicet de chartis lusoriis, de hesternis choreis, poculis, mulieribus, adulteriis, & id genus aliis, quæcunque sibi sunt propria, ne videatur esse nimis rudis & barbarus, aut quod peius est, bos mutus, si taciturnitatem seruet. Omnino enim meminisse debet id quod à nostris hominibus sæpissimè vsurpatur, iamque in prouerbij cōsuetudinem venit:

Mentiri, adulari, vanaq; fari,

Hæc qui nescit, frustra in aula senescit.

Dum tamen

eleuatur diuinissimum Sacramentum Corporis Christi, interrumpent parumper sermones suos, illudque, quasi quid noui agatur, ducto ore, veluti admirabundi, oculis intentis, audacter aspicient. Sin verò idem venerabile Sacramentum præterire Politico contigerit, recta ibit, aperto tantum capite ex more suo, & non flectet genua, sed potius si à latere, vel tergo viderit (quod sibi diligenter obseruandum erit) aliquem suum amicum, socium, vel certè formosam mulierem, maximè vero notam, salutabit honorificè, flexo poplite, ne quid deesse videatur Politici suæ, moribusque honestis. Cum autem fulminauerit aliquis Concionator contra mores tuos Politicos, qualia sunt periuria, comestationes, ebrietates, alex, blasphemix, adulteria, & similia, admurmurabis quoque ei vicissim, dicēsque Sacerdotem nugari, tanquam malè moratum, inhumanum, & eum qui potius rusticis, & idiotis debeat prædicare, quàm Politicis, & prudentibus viris; hoc idem reuersus domum ad mensam in præsentia plurium confirmabis. Imò si fuerit Parochus tuus, etiam obiurgabis, ne posthac audeat tam grauem personam tuam non honorare. Nonnunquam è re sua Politici esse censebunt, per totam Missam & concionem in conspectu omnis populi de rebus magnis, Reipub. vtilibus, disserere, vt qui viderint, dicant, eos solos esse adeò sapientes, vt iam non indigeant doctrinâ Sacerdotis, vel non esse, vt cætetos, ignaros, vtpote qui semper ex tempore possit aliquid nō vulgare dicere. Aliquando etiam dormire laus est. Erunt enim qui te demonstrabunt digito, & dicent: Hic, si non esset tractatione magnarum rerum Reipub. fatigatus, non dormiret: quamuis fortè reperirentur, qui hesternam crapulam te edormire contendent. Sed hi non sunt audiendi Politico, tanquam simplices. Exeundi è templo mos erit: circumspicere diligentissimè quoquoersum, non imaginem crucifixi, aut alicuius Diui, ad cuius imitationem mores, vitamque formet; sed imagines viuas fæminarum, omnium formosarum, ad id iam apprimè serico, & monilibus, facieque exporrectâ, & variis vnguētis illitâ, instructarum, quibus oblectetur, & ad lasciuiam incitetur. Ad pulsum itidem matutinum, meridianum, vespertinum, turpe erit Politico, maximè verò si tunc accumbat mensæ, aliudue quid agat; salutare Sâctissimam Dei genitricem MARIAM, orareque vt per suam intercessionem, & Filii Christi IESU merita, gloriæ atque diuitiarum re-

rum regni cælestis dignus efficiatur, ne, si fortè rideatur ab aulicis, splendori nominis sui aliquid decedere videatur. Melius est enim, (si, veluti debemus, credimus sacris literis) nomen bonum, quàm diuitiæ multæ. Vel certè occupatus tractatione rerum agendarum, colloquiis muliercularum, & id genus aliis, non parui, scilicet, momenti, differre poterit hanc deuotionem, sibi minimè gratam, & vt vaticinor, inimicam futuram, in tempus aliud, quod nunquam in vita habiturus est ille: Multa, & magna incommoda dilatione temporis euitat prudens. Confiteri quoque peccata sua debet Politicus ad minimum semel in anno, non quòd doleat de illis commissis, sed ne omnium pessimus, vel Hæreticus, vel atheos esse reputetur: Qui enim famam suam negligit (inquit Sapiens) homicida est. Quamuis hoc grauius ei videri debet (vt pote minimè assuetum) quàm ad malam crucem duci. Si verò non fuerit confessus ad festum Patchæ, vt euadat linguam hominum, debet vouere se locum aliquem sanctum visitaturum, atque Cygithouiam, vel ad Caluariam, vel ad sanctâ. seu malam crucem peregrinaturum, ibique pro omnibus peccatis suis satisfactorum Circa hoc agitur peccata sua, & a Sacerdote interrogatur, emendati sunt iniquitates tuas? Respondebit se emendatum, non quidem re ipsa, sed opere, sed verbis; at hæc postrema verba caueat ore proferre: hæc enim penitentia sufficit Politico. Proprio verò Sacerdoti seu Parocho confiteri peccata, non est Politici, sed alienius alienius stupidi hominis, propterea, quia maiorem pudorem incutere it, qui est, & fuit semper alienus à Politico, quem pudere, ipse est pudor. Quod si tamen aliquando id in Parochiali Ecclesia facere visum fuerit, accersetur Confessarius Monachus, vel alius advena Sacerdos, vel etiâ in huius defectu, eoquæ maximo, Vicarius, cæcus, surdus, vel minùs doctus, quàm ipse Pastor. Quo etenim exquisitiùs, & perfectiùs examinata & discussa, atque intellecta fuerint peccata, eo quoque grauior penitentia, capitalis hostis Politicæ vitæ. Iperanda est. Hactenus rudi (vt aiunt) Minerua, tantum deuotionem verorum, & non fictorum Politicorum, & ea quæ in templo ab iis fieri solent, attingere mihi libuit. Reliqua volens ac prudens omitto, quæ libellus iste paruus nullo modo capere posset.

De veris Philosophis.

E

Omac

OMne sæculum vetus, medium, nostrum, vidit Philosophos mi-
nùs rectè philosophatos. Iam annis sequentibus, non astris,
sed scientiâ, & assuetudine fauente, Verum genus Philosopho-
rum prodibit, idque triplex. Primum Diogenem Cynicum, Timo-
nem Mysanthropum referentium. Nam ob suam tetricitatem, at-
que naturam terrenæ complexionis, chartis impallescentes, hominû
confortia fugient; sique in publicum eos contigerit exire, id facient
demisso vultu, corrugatâ facie, capillis intonsis, veste impexâ, calcea-
mentis squallore sordium obsitis, capite nulli aperto: Etenim Phi-
losophia, seu sapientia, cum sit scientia altissimarum causarum, hæc,
quæ minoris sunt momenti, contemnit, & abiicit. In colloquio erûnt
muti: quia sapientis est tacere. Nonnulli breues, & simplices, aper-
tiqûe: siquidem sapientia est contemplatio veritatis. In conuiuiis
rarissimi, principioque conuiuii temperantes, at postquàm virtus vi-
no incaluit, in verbis rudibus, & haud sanè honestis laxiores: in po-
culis plenè vno spiritu exhauriendis alacriores, & potentes, non item
in retinendis robusti: nam vera Philosophia omne superfluum odit,
ac expellit. Horum officium erit non iuuentutem instruere, & for-
mare ad augendum, aut tuendum bonum publicum: non vitia ex
animis euellere, virtutesque inferere: non pietatis veræ semina iace-
re: verùm de Ponte Alfinio, item Entitatibus, Quidditatibus, Ma-
terialitatibus, Formalitatibus disputare. cumque omnia alâ ingenij
sui peruolarint, omnia se fecisse, cum nihil fecerint, putare, seque su-
pra alios efferre: quoniam sapientia sese effert supra omnia humana.
Secundum genus Philosophorum popularem auram sua mundicie
captantium. Quippe istis nihil erit molestius, quàm vincam domi
sux exigere horulam, nihil dulcius, quàm in publicum prodire, idque
vultu elato, fronte erectâ, genis vnguento illitis, capillis in nodos con-
tortis, erectisqû, veste etiâ minutissimo puluere vacuâ, & moscho, seu
alio odorum genere, pertusâ, collari in humeros vsque deposito, seu
exposito, manu læuigatâ, calceamentis recentibus, & stridentibus:
scilicet Philosophia munda, omnia munda expolcit. Eorum erit o-
mnes vrbs plateas vt videantur, lustrare, atque etiâ ædes cauponari-
as; ex illque frequentes internuncios ad virgines mittere, easdem fre-
quentius in diem (si vel semel aliquam elegantioris formæ viderint)
inuisere, etiamt plerique non libenter ab ipsis videantur. Hinc erit,
vt nulla conuiuia, nullæ cauponæ absque illis sint futuræ. Multi e-
nim non inuitati, vel saltem ab externis ancillis clam rogati, præter
hospitis

hospitis mentem talibus sese immiscebunt, noctesque in ijs agent in-
somnes. Nonnulli etiam quicquid habuerint in commellationibus
cum peruerso genere vulgi absumunt. Nec iam in mare pecuniam,
vt Democritus, sed in vinum abijcient. Non amicis, vt Anaxagoras,
sed prostitutis, & luxuriæ tribuent, ita vt omnibus denudentur, &
omnia sua secum, vt Bias Prienzus, circumferant: Quoniam Philo-
sophia naturæ accommodata, paucis, aut seipsa contenta est. Chore-
as continenter agent, compotitabunt, ac in poculis Lacydem Cyre-
næum, aut Arcefilaum, ob nimiam potationem mature extinctos,
imitabuntur: nempe Philosophia imitatione Philosophorum niti-
tur. Quod si ipsorum constantiam & fidem probare volueris in amo-
re virginum, chorearumque, & vini, si dixeris, vt vel vnum in talia ex-
ponant nummum, confestim fugient, & si prius biberint bene, cum
non sint soluendo, irascuntur, & de obolo, inter se, aut cum ænopo-
la, digladiabuntur. Et verò vt copiose bibant, & alteri conuiuant
præpedient: nonnunquam sponte, idque extra conueniens tempus,
cum Musicis suis venient, domesticos silere iubebunt, vt omnino quo-
quid alter pecunia sua struxerit, sibi beneuolentiæ id totum vendi-
cent. Plerique cum multarum capiantur forma mulierum, singulas
in singulos dies utroque tempore, vt solent Medici ægrotos, lustra-
bunt; hinc etiam minus gratiæ ac amoris, imò & fidei apud eas habe-
bunt. Molliter cubabunt, ociabuntur, raroque aut nunquam libros
grauissimorum authorum legent, aut videbunt, optimam tamen suf-
ficientem, atque cultam, & purgatam librorum copiam habebunt.
Quod si contigerit eos aliquando quempiam Authorem legere, semel
id tantum, idque breuissimè, facient, nec amplius in eo opellam con-
sumunt, sed alium, proinde vt primum, tractabunt. Iam si disputan-
tes videris, mutos appellabis, qui nuper inter pocula grauissimi ha-
bebantur Oratores, & subtilissimi Philosophi. Ac denique, vt alia
multa taceam, omnibus dormientibus, clamoribus ciuitatem re-
plebunt, grassabuntur, continuas agent in vicis, & plateis excubias:
namque Philosophia, cum sit magnum bonum, & vinculum, atque cu-
stos humanæ societatis, pro omnibus semper inuigilat.

Tertium denique genus Philosophorum erit, Gnathonem illum
Terentianum experimentum, & omnia ad se attrahentium: quippe
illud seruabunt:

Negat quis, nego, ait, aio: postremò imperavi egomet mihi:

Omnia assentari.

*Atque sic blauditiis
mollites*

mollior in aures hominum influent: quia ad alterius non modò sensum ac voluntatem, sed etiam vultum, atque nutum conuertentur. Hinc nulla absque illis erit Regia, nulla Principum aula, nulla domus publica ac priuata, nulla comitia, consilia, iudicia, nulla testamenta: Etenim Philosophia bonum diuinitus datum in omnia se diffundit, omnibus se communicat, omnibus prospicit, accauet. Præterea ipsorum erit cursitare per urbem, suis persuasunculis potissimum mulierculas mulcere cum ipsis etiam in templis publice colloqui, viduas aut virgines orbas parentibus solari: Omnium vera consolatrix est Philosophia. Deinde cælum suadere, infernumque dissuadere, appositione sibi auri vel argenti prædorumque, in spem emendationis vitæ: quia Philosophia est expultrix vitiorum, & auctrix virtutum. Insuper improbis frequenter prodesse, obesse probis. Et sanè omnia ferè ab hominibus etiam magnis emungere, sicque pecuniam corradere, ac opes, & tecta magnifica extruere: Sapientia nimirum in altis inhabitat, & infima despiciit. Multa & magna à magnis viris expectent, & obtinebunt haud difficulter. Quisquis es vita tale genus Philosophorum: nam postquam te degluberint, negligent: siquidem Philosophia est gratia sui ipsius, non propter aliud. Et ob id ipsum etiam iuuentutem instruunt, non ut bonum publicum forment, sed ut eam olim sibi fauturam, vsuique futuram deuinciant. Denique plura hinc, & grauiora cogor silere: si quispiam honores, & dignitates ambiuerit, nequaquam, nisi per eos, poterit assequi: quoniam Philosophia non sola dūtaxat est digna, verum etiā eos dignos efficit, quos complexa est. Numen supremum in omnia potens, istud triplex genus Philosophorum dispellat, dissipet, tollat, aut corrigat, candidè oramus.

De Pseudopoëtis.

PRodibit quoq; hac tempestate nugacissimum genus hominum scribendis verticulis assuetum, ocium & ignauiam, omnium nequitiarum parentem, amplectens. Ars hæc erit esuriens, semperque famelica: Siquidem tanquam mures, alienum panem artis istius professores comedent, in hoc consenscent, & misera egestate prementur. Ficta equidem non possunt esse vera, ergo nec præmio villo afficienda: Quocirca passim de illis omnes iactabunt illud vulgatum dictærum:

Vivunt

*Vivunt carmine infani Poëta,
 Si nugæ adimas, fame peribunt.
 His mendatia sunt opes, & aurum,
 Fingunt quæq; volunt, putantq; palmam,
 Mentiri bene, gloriosorem.*

Sed cum inquit D. August. Mentiri etiam pro honore Dei non licere, quid balatrões isti dicent? quo pacto technas suas exculabunt? Itaque quia peccant tam enormiter, perpetua infamia punientur, & nunquam ditefcere poterunt, id certius oraculis vatû habeant. Hinc Iustiniani Imperatoris institutum multi acceptabunt, & nulla prorsus immunitate eos dignabuntur; Probissimi quique cavillatoriam Pœsim, tanquam mendaciorum parentem, aspernabuntur, & monstra hæc portentosa, atque Chimærica, cane peius & angue vitabunt. Mali tamen quique, & perditissimis moribus homines, eos in deliciis habebunt, eo quod adulari, & omnia cum mirifica assentatione dicere eis soleant. Eorum siquidem studium erit, nihil sani dicere, sed nugosis versiculis stultis auribus cantillare, & fabularum inuolucris perstrepere, & fumo exponere, atque aura populari omnia venari: nescio quam, inter ineptias suas, & fabulas, cum Tithonis cicadis, Lyciorum ranis, & Myrmidonum formicis, polliceri audebunt gloriam, & nominis immortalitatem, ac dicere:

*Vivite felices, si quid mea carmina possunt,
 Mortales, nulla mihi semper laude tacendi,
 Nulla dies unquam memori vos eximet ævo.*

Agè verò, ne fortè quis ambigat omnes Poëtas esse fugiendos, facio distinctionem. Poetæ triplices sunt: Optimi, Medii, & Infimi. Optimi sunt, qui optimè instructi, & ab ipsa natura informati, ad divina quæque excogitanda, & verbis patefacienda, apti nati sunt: quales erant antiquissimi illi Vates, & verè diuini Poetæ, Prometheus, Linus, Musæus, Orpheus, Hesiodus, Homerus, à quibus tota Philosophia profecta est, Plutarcho teste: qui idè & Theologi dicti fuerunt, quod de cælo hausisse doctrinam visi fuerint, & inuolucris doctissimi, atque subtilissimis diuina mysteria, multo lepore, & ornatu operata, posteritati reliquissent. Et Aristoteles inquit, omnes Philosophorum sectas à venerando illo sene Homero principium suum sumpsisse. Quid enim ille non habet in suis libris? quem non instruit, quem non informat? Militem, Regem, Ciuem, Oratorem, Iuriconsultum, ludicem, & omnia genera hominum plane ad vnguem exprimit

mit, & docet. Cuius opera in tanto hōnore apud Alexandrū Ma-
gnum Macedoniæ Regem fuere, vt dum inter spolia Darij allata illi
esset theca geminis distincta, & auro, in eam Homeri Iliada reponere
non dubitauerit. Non iniuria igitur post mortem Homeri 7. vrbes
certabant, Smyrna, Rhodos, Colophon, Salamin, Chios, Argos, A-
thenæ: Omnes enim apud se retinere volebant, omnes eius cadauer
habere conabantur. De talibus Poëtis nihil ego ad præsens loquor:
salua sit eorum fama, salua dignitas, & nominis decus in sempiternū
vigeat, crescat, amplificetur.

Medij autem Poetæ sunt, qui vtcunq̃ à natura propensi sunt
ad bonas artes pertractandas, sed non nisi graui labore, & studio in-
genti seipso frangentes, ad cudenda carmina accedunt: dies illi no-
ctesque sudare, algere, multa pati debent, antequam aliquid ad com-
munem vsum fructumq̃ conferant. Hinc more vsæ fetus suos
lambentis, carmina edere dicentur, qui Publio Virgilio Maroni, simi-
les esse voluerint. Tales Poetæ non tam naturā, quā imitatione &
assiduā edocti exercitatione, viuunt in hominum celebritate. La-
bor enim improbus omnia efficit; Et tempus fert omnia, vt inquit
Poeta. Proinde neque de his mihi in præsentī est negotium: Digni
enim sunt, quos fama canat, & admiretur. Nam quis nescit olim the-
atra & amphitheatra, augustissima illa hominū ædificia, non Philo-
sophis, non Iuriconsultis, non Medicis, non Rhetoribus, non Ma-
thematis, non Theologis, sed ipsis Poëtarum fabulis enarrandis,
ingentibus sumptibus extructa fuisse? Hinc & Philosophi illi anti-
qui Philomyti, id est, fabularum studiosi erant appellati, de quibus
Firmianus plura. Nam & honore amplissimo, & diuitijs abundare va-
lent eiusmodi viri: Auctus erat fortunis Virgilius, Horatius, & in hac
Academia Georgius Vigilantius Samboritanus, & in Zamosciana A-
cad: Simon Simonides multas & amplas habet facultates, vt scimus
omnes. Cuius carmen amat, quicumq; carmine digna gerit.

Infimi Poetæ sunt, qui nullam artem, nullas naturæ dotes ha-
bentes, aliena furantur, & pro suo fætu genuino vsurpant, de his mi-
hi in præsentī negotio sermo est: hos mea spectat oratio. Sequenti-
bus igitur annis monstrōse mentiri, maledicere, antiqua pro nouis ven-
dicare, scommatibus rodere alios, erit eis commune. Tempus omni
auro preciosius frustra perdent, nugas tractabunt, & pro doctrinis
Reip. conferentibus vsurpabunt, lucris, tanquam vultures vel corui
cadaueribus, inhiabunt, dolis malis circumuenient, instar psittaci vel
graculi

graculi salutabunt obuios, excipientque gratulatunculis, aliunde transcriptis, ab exteris nationibus Magnates, & insignes heroas redeuntes: pecuniam inde corradent, & in omnes luxuriæ artes profundent: officium suum omnibus paratum iactabunt, & temerè se rebus minimè decentibus sponte obtrudent. In Academiam nunquã discendi, nisi suspiciendi gratia venient: multas ex fenestris & lapideis sententias trasferent, & typis mandabunt: cum scortis inhabitabunt, palliati incedent tanquam Doctores aliqui, vt suam scientiam iactent eò vberius, quidam etiam curtati, quidam obdarti tanquam de ganeorũ nido prodibunt, & spoliare cum non possint aliter, verficulis factis spoliabunt, latronibus, nocturnis grassatoribus, versperilionibus, noctuis, bubonibus, ganeonibus, & nescio cui faciem hominum sese immiscebunt, fortè ideò quia excogitare debent modum Poëtæ, quo a Mvsis & Charitibus adamentur. Multei non sua carmina dedicabunt multis, verùm tamen non celebrabunt eos, sed deformabunt: Nam ab illaudato viro laudari maius est vituperium. Quocirca qui a talibus Pseudopóëtis pœmata luscipient, erunt causa sui & illorum mali, nam fouendo illorum nequitiam ad turpem eos ignomiam prouocabunt. Si enim paupertate premerentur, nec haberent unde viuant, utiq; de modo vitam instituendo tempestiuè cogitarent, & Cleantem illum imitantes vel in studia honestiora incumberent, vel statum & vitæ conditionem arriperent. Sic autem nec acceptare sacerdotium volēt, nec monasteriũ ingredi, quòd si ingressi fuerint illico effugient, nec gradus aliquos in literatura cōsequentur: vel si fuerint primos assecuti, secundos respuent, quia laborem fugient. Petulci isti hædi & lordidi Epicuri de grege porci, bene poterunt cuticulam curare, alieno labore veluti circumforanei aliqui institores victitantes. Nulla fides pietasque est eiusmodi nebulonibus, quomodo ergo eis aliquid concedendum? quomodo fama, honor, dignitas, eis committenda? cùm sint excrementa tertij generis Philosophorum, eundem librum multis tribuentes. O grex nequitæ, ô stupiditatis fons, ô apostatarum antesignani, ô desidæ & omnis ignauæ sentina, ô vorago & lerna malorum omnium, quæ intra sacratissima Academæ spatia commorantes docti, & literati viri perferunt, & patiuntur propter vos? Siccine vos insensari canes, nec timor Dei, nec pudor naturæ humanæ conueniens, (sus enim fætida pudore suffundi non potest) nec literarum splendor, nec temporis inæstimabilis iactura, ad amantissimos & fragrantissimos Hesperidum

dum hortos ac floridissimos virtutum agros poterit euocare? Respi-
scite tandem, antequam ultra Garamantas & Indos protrudamini,
moneo, iubeo, cupio.

De Iudicibus & Causidicis.

Miraris cur tot sint Iudices? Quia etiam tot leges, ut illis legen-
dis decem iustæ vitæ vix sufficiant. Hi verò an omnes iustè
iudicent, me tacente, docet exemplum. Prætoris taurus in
Rustici cuiusdam tenuis pascua transiliens, vaccam eius cornibus
occiderat. Qui damnum acceperat, vel in hac re rusticus non sapiens,
prætores adiit, & impunitate loquendi ex more datâ: Prætor
(inquit) meus taurus tuam vaccam cornibus petijt, atque occidit,
quid iuris? Ille incunctanter: Quid aliud (inquit) nisi ut vaccæ
damnum mihi tauri nomine præstes, aut taurum, si mauis, noxæ
dedas. Imò, inquit rusticus, ignores imperitæ meæ, nam lingua
lapsus sum, præposterè causam proposui: quoniam patris tuus taurus
meam interfecit vaccam. Tum Prætor nimium impudens: Istæc, in-
quit alia res est. Quod cum ita sit, neque iustiores esse futuros, qui
sequentibus annis crediderim, siquidem his incedent nomina, qui
vel ira, vel cupiditate, vel metu, vel gratia, vel falsa aliquid exitima-
tione corrupti primo sese totos, deinde aliorum subita ciuas perident.
Hoc de malis tantum Iudicibus. Sed tamen adhuc non lumen ruti.
Nam instabunt etiam quidam Causidici, qui ne fame pereant, lites
quærent, semina earum ubique spargent, mouebunt, augebunt de-
torquendis legibus, & controuersias malent constituere, quam tol-
lere: idque eis eo erit factu promptius, quod legum obscuritas an-
tis hominibus præbebit maiorem inflectendi eas quod voluerint, & diffe-
rent lites, in longissimum tempus, vel iudicij, ut uberior eis lu-
crandi spes affulgeat: Ita breui tempore quæ erant facilia & liquida,
inuoluta reddentur omnia, & perplexa. Idcirco quondam ille Matthias
Rex Pannoniæ, huic malo volens occurrere, Causidicos omnes regni
finibus iussit excedere. Quod ego nostris nunquam euenturum esse
vaticinor, cum eos longè abesse ab illorum veterum peruersis mori-
bus videam.

De Mercatoribus.

Quandoquidem Mercatores alij Ethnici, alij Christiani: pri-
mò quales Ethnici utque ad consummationem sæculi sint futuri
exponam

exponam: Deinde verò si aliqui Christiani voluerint quoq; mercaturam exercere, quid facere eis conueniat paucis admonebo. Ethnici itaq; non tantopere virtuti, vt pecuniæ studebunt: quilibet enim attentus ad rem, quilibet rerum habendarum cupiditate tenebitur. Cauebunt omnes illud: *In qualite video panno, in talite colloco scanno.* Idcirco paupertatis onus patienter ferre reculabunt, debitum laborem cane peius & angue fugientes. Passim illud, & dicto, & facto comprobabunt, quod Pòeta inquit:

O ciues, ciues, quarenda pecunia primùm,

Virtus post nummos. Idcirco etiam mercatorum genus in bonorum numero, & hominum celebritate reponitur. Cùm tamen Cic: in 3. lib. de Rep. dicat: Antiquitus nihil fuisse mercatoribus abiectius, nihil vilius, nihil sordidius, eò quod turpi lucro supra modum, cum alterius detrimento, omnes passim inhient. Recte quidã: *Negotiatores*, inquit, *nihil habent sacrum præter vnum pecunia studium, cui setotos, seu Deo, consecrarunt, hoc pietatem, hoc amicitiam, hoc honestum, hoc fidem, hoc diuinam partem & humana metuntur, reliqua nugæ.* Quid enim mercatores, non audent tentare? vt dolis ac fallacijs suas crumenas dilatare, & facultates amplificare valeant? Sæpè, imò semper prætoribus sedentes, grauiore labore posthabito, doctè in emendo vendendoq; incredibilibus astutijs hospitem ementiumque thecas exhauriunt, & emungunt. Sollicitis computant articulis, quid utilitatis & quantum illis accrescat nihil laborantibus, sed ocio perpetuo torpescuntibus. Apud Romanos, Lacedæmonios, & Thebanos contra Mercatores lex fuit lata eiusmodi, vt nemini illorum Reip. munus præstare liceret, quòd priuato magis quàm publico bono solleant inferuire. Etenim in Mercatura & nundinatione optime exercitati, omnibus ciuibus Deum sanctosq; obtestando, bona eripere, & in se, veluti aliquæ immentæ voragines, omnia absorbere conarentur. Hic est illorum iustitiæ cultus, hæc pietatis ara. Iam uerò si quispiam eorum ad obtinendum in Rep. Magistratum viam & aditum sibi, per aliquod virtutis, & officij simulachrum, patefacere voluit, ab omni mercatura, & negotiatione per decursum decem annorum, tanquam post occisum Patrem, aut violata Superiorum numina, abstinere debuit: vt hoc pacto, quælibet hisce Deorum religionem, veluti contaminatam, abstinendo expiaret. Hinc Arist: inquit, 7. Polit. *Mercatores non esse dignos, qui in Ciuitum numerum ascribantur.* Quia huiusmodi vita vilis est admodum, & virtuti penitus aduersa. Nam

Erasm.
Roter.

Francis.
Petr. de
Rep. lib.
1. cap. 8.

In Math.
hom. 38.

quod illis magis familiare est, quàm periurium? & omnis vitæ dissolutio? quid habent suis moribus magis contrarium, ac repugnans, quàm temperantiam? Etenim leui opera ingenti conflata nummorum copiâ, in omnem se effundunt viuendi turpitudinem, ita vt vino sese ingurgitantes quotidie, conuiuia lautissima comparent, seseq; totos poculis plenis vno spiritu exhauriendis consecrent ac deuouant. Rectè D. Chrylostomus: Quemadmodum, inquit, si triticum, aut aliquam frumenti speciem, in cribro dum huc illucq; iactas id, grana omnia paulatim deorsum cadunt, & infine in cribro nihil remanet, nisi sterus solum: sic & substantia negociatorum, dum vendunt, & veniunt, inter emptionem, & venditionem, minuitur, & in nouissimo nihil illis remanet, nisi peccatum. Quocirca rectè D. August. super Plalm. *Desiderio tuo locum facias diabolo: Ecce enim diabolus proposuit lucrum, & mutauit ad fraudem, lucrum habere non poteris, nisi fraudem feceris: sed lucrum esca est, fraus laqueus: sic attende escam, vt videas & laqueum, quia tu non habere non poteris, nisi fraudem feceris: fraudem autem si feceris, capies.* Audiui nonnullos fuisse, qui criminabantur me hæc de mercatoribus Christianis scripsisse, sed isti omnes procul à vero aberrant. Abne me ita intellegere, namq; de nullo bono viro male sentio de diuinitate: non enim sum ignarus Christianos hæc, de quibus scripsi, vitia Ethnicorum non decere, proinde & nunc excipio illos, & dico: Liberos per Dei gratiam sequentibus annis futuros ab his vitijs, dum modò ipsi velint, obnoxios verò fore huic malo omnes quidem gentiles, sed præcipuè eos qui hodie habitant in Phœnicia, Ægypto, Babylonia, Cayro, Quinzay. Quod si tamen Christianorum aliqui reperti fuerint eis similes, non modò hinc excipiendi non sunt, verumetiam deteriores illis habendi. Nunc iam secundo loco, quomodò sit bene, & sine offensione Dei, & proximi, nundinandum. Nemo igitur fortassis etiam Christianorum arceatur à mercatura, modò duas velit obseruare conditiones. Quarum prima, ne plus vel exigat ab eo, qui in contractibus est parùm versatus, vel, si errore aliquo, aut ignorantia expoluerit, accipiat, quàm res valet. Secunda, vt videat, ne contra aliquam circumstantiarum peccetur, quæ hoc versiculo comprehenduntur:

Quis, Quid, Vbi, Quibus auxilijs, Cur, Quomodo, Quando?

Prima est persona. V. G. Si fuerit Sacerdos, mercaturam exercere non potest. Imo nullus Christianorum, quamuis sit laicus. Memini enim me aliquando legisse illud terribile, ac pertimescendum omnibus:

omnibus Christianis Mercatoribus, referente D. Chrif. super Matth. in hæc verba: *Eijciens Iesus vendentes, & ementes de templo, significauit, quod Mercator (impious, simoniacus, mercenarius, & caupo circa res ad Ecclesiæ ædificationem, & salutem pertinentes) nunquam potest Deo placere: & ideo nullus Christianus debet esse Mercator, aut si voluerit esse, pronunciatur de Ecclesia.* Cæterum ego mercatori non iniicio scrupulum, & dubitationem. Legat de contractibus doctissimum libellum R. Patris Iacobi Smiglecki, Doctoris Theologi, è Societate Iesu, Polonico idiomate conscriptum: est optinus. Interim reliqua propositi mei persequor. Secunda, Res: quia sacra, & aliena non est fas vendere: qualia sunt, furto ablata, retenta, inuenta, vel quoquo modo alio iniuste acquisita.

Tertia, Locus: cum prohibitum sit in templo, & cimiterio nundinari.

Quarta, instrumenta. Reperiuntur siquidem nonnulli, qui vi & armis compellunt aliquos emere ea, quæ nec velint, nec sibi vlti esse futura sciant. Equorum numero ille fuit, qui baculum latro in sylua Parocho Ecclesiæ villæ, dictæ (ni fallor) Boroua, in terra Sandomiriensi, non procul ab oppido Osiek, coacto triginta marcis, Polonialis monetæ, vendidit: qui baculus in hodiernum vsq; diem ibidem in perpetuam eius rei memoriam, cæterisq; loci illius Pastoribus cautionem, diligentissimè, & religiosissimè in sacrario asseruatur; quem & ego ipse oculis meis, cum ibi essem, vidi. Non ab simile proximè præterito anno ante lapideam, dictam Podbárány, Iudæo contigisse animaduerti. Nam quidam grassator Cracouiensis eò iam minus ac verberibus eundem adduxerat, vt libellum quandam vilem, sibiq; minimè necessarium, caro pretio soluisset, nisi à me depullus fuisset.

Quinta, Causa: qui etenim non causa victus honesti acquirendi, sed ambitionis, fastus, auaritiæ, luxuriæ, mercatur, impiissimus est.

Sexta, modus. Hic mercatores nullis vnquam verbis enarrandos, & explicandos modos habere solent, quibus astutè vel verbosos quosq; Sophistas, imò, & maximè omnium, ex primo genere Philosophos, haud difficile irretire queant. Nunc, si pannum tibi exhiberi poposceris, primò optimum exponunt, deinde, vbi meliorem rogaueris, si fortè ignores, vel præstantiorem habere credas, pessimum. Nunc si penes te, vt pote hospitem, Prælatum, Canonicum, Præpositum, Parochum, diuitem, nobilem non pauperem, pecu-

F 2

nia abun-

nix abundantiam esse subolfecerint, statim carius instituunt vendere, quam alijs. Et quod omnium est inuidiosissimum, iam mos admodum peruersus inoleuit, vt quædam linteamina, quasi vela, in suis testudinibus expandant, quibus lumen penè totum auferant, hominesq; bene videntes, faciant parum videntes, vel potius cæcos. Talis dicitur fuisse (teste Cic. 3 offi) ille Gyges Bæli & Terræ filius. Is enim cum palam annuli sui ad palmam conuerterat, à nulla videbatur, ipse autem omnia videbat: idem rursus videbatur, cum in lucem anulum inuenerat: Non aliter mercatores, ipsi assueti debiliori lumini, vident: at ego admodum ægre non possum non terre, quoties mihi in tenebris iterò discendum est bene videre.

Septima, eaq; vltima Circumstantia, Tempus: Siquidem diebus festiuis, & solennibus, non licet merces exponere. Ne te verò iterum dimittam, audi meam sententiam. Existimo licitam esse mercaturam, *necessarium est enim in omni ciuitate (vt inquit Philotophus) aliquid vendi, & aliquid emi.* Neq; demum ab Ecclesia Catholica videmus prohibitam esse. Quod autem tantopere à grauissimis Authoribus, & sanctis Patribus in eam inuehatur, est causa difficultas euitandi peccati in nundinatione: quia (teste Leone Papa) *difficile est, interuentis & vendentis commercium, non interuenire peccatum.* Æque itaq; hæc de mercatoribus scripta SS. Patrum sunt intelligenda, ac illa de diuitibus: quos sacræ literæ prædicant, *difficilius posse intrare in regnum Dei, quàm camelum per foramen acus transire.* Æque enim vitros, quæ difficile est effugere peccatum, difficilius esse bonos. Quamobrem & ego abusu sum inimicus, ipsam autem per se mercaturam laudo. Quinetiam non parum fateor me debere illis mercatoribus, qui mecum bene in contractibus agunt. Quare est mihi animus insinuare me in gratiam alicuius optimi viri mercatoris. Iam ille ipse quid velim, facile, si non modo, postea, idq; breui, intelliget.

De Crepitu ventris.

Proximo anno, & alijs sequëtibus vsq; ad consummationē sæculi, non erit salubre retinere Mephitim. Idcirco Claudius Imperator, legislator circumspexit, quum periclitatum quendam præ pudore ex continentia reperisset, edictum (vt est Suetonius auctor) edidit, quo venia daretur crepitus ventris emittenti. Et ab illo tempore dum Italorum quispiam crepitat, reliqui omnes assurgunt et, capita apertim

pita aperiunt, proficereq; precantur. Neq; tunc minor honor ei exhibetur, quam nobis dum iterum tamus exhiberi solet. Et nō sine causa.

Etenim Quatuor ex vento veniunt in ventre retento:

Spasmus, hydrops, colica, & vertigo, hac res probat ipsa.

Hac de re extat lepidissimum Nicearchi *αυ ποση*. Epigramma, quo pestiferam retenti flatu vim describit:

Interimit crepitus ventris detentus in aluo,

Et seruat blasum dum canit ille melos.

Ergo si perimit crepitus, seruatq; canendo,

Regibus imperium par habet hic crepitus.

Vaticinia duo ex Physiognomia.

Primum: vitæ brevis signa colligunt, raros dentes, prælongos digitos, ac plumbeum colorem corporis. Contra, longæ, incuruos humeros, nares amplas, & tria signis dictis contraria: multos dentes, digitos breues, crassosq;, atque colorem clarum.

Secundum: supercilia concreta, & se contingentia, omnium sunt pessima: notant enim maleficum, plagiarium, & nefarijs artibus deditum. Id quod Ioannes de Indagine frequenter se obseruasse dicit in vetulis sagis, quæ ad incendium ductæ, huiusmodi præterebant supercilia.

Vaticinia desumpta ex Somnijs.

Interpretatio somniorum mirè frugifera est, tum ad cognoscendum seruandumq; corporis habitum, tum ad rerum futurarum metus inanes fugiendos. Sunt autem triplicia. Naturalia, quæ ex corporis habitudine proueniunt, ut quum videre se putant, aut aquas aut arma, aut res horrendas: quæ indicant redundare phlegma, cholera, aut atrabilem. Fatalia, quæ futurum aliquid portendunt: cuiusmodi sunt, quando in somno nuptiæ apparent, quum ex affinitibus quisquam mortuus est. Vana, quæ nihil omnino significant. Talia discipollunt, quæ inde proueniunt, quod præcedente die simile quicquam viderint. Quod attinet primum genus, poteris prædicere aliorum somnia, quod mirum videbitur imperitis. Quoniam si videris per totum diem hominem fatigatum esse labore, bibisse vinum, cibum sumpsisse calidum, certum habet, ea nocte per somnum

visum iri illi enses, vulnera, cædes, ac res igneas. Quòd si præter laborem plus quàm satis est sumserit alimenti, apparebunt, præter pugnas, eadem nocte tenebræ, recessus profundi, aut res horrendæ. Porro si videris quenquam, qui per diem totum ociosus defecerit, quique res comederit, ac biberit frigidas, cura, vt is ante somnum multum hauriat aquæ. Sic vaticinari poteris futurum, vt dormiens se putet, vel videre aquas, vel cum ranis ludere, vel natare inter naues.

Ridicula sed iucunda quædam Vaticinia.

Dominus Anni. Proximo anno, inter sydera sol princeps erit, inter animalia homo, inter teras Leo, inter metalla aurum, inter cibos caro, inter potus genera vinum, inter spiritus Deus.

Qualitas æris. Ver erit calidum ac humidum, æstas calida & sicca, Autumnus frigidus & siccus. Hyems frigida, & humida. Æstate erunt quandoque pluiæ, interdum tulmina, ac tonitrua, aliquando cadent grandines: nives, præcipue hyeme, dominabuntur. Serenitas erit circa orbem solis, frigus vigebit in extremis Zonis, & altis montibus. Calor & siccitas futura est sub Signifero, ingens humoris copia erit circa mare Tyrhenum, ac Ionium, & maximè in Oceano.

Morbi. Cæci parum aut nihil videbunt, surdi malè audient, muti non loquentur. Senectus eodem anno erit immedicabilis, propter annos qui præcesserunt. Complures ægrotabunt. pleriq; morientur, & ante senectutem. Sani melius se habebunt, quam ægri.

Bellum. Bellum erit inter aucupes & aues, inter piscatores & pisces, inter canes & lepores, inter feles & mures, inter lupos & oues, inter Monachos & oua. Multi interficiunt pisces, boues, oues, porci præsertim in Autumno, capræ, pulli, & capones. Inter simias, canes, & equos, mors non tantopere sæuiet. In aliquibus locis erunt cædes ac homicidia, propter aspectum Martis.

Metalla, Annona. Aurum erit carius argento, plumbum erit mediocris precij. Non pauci inopià laborabunt. Reges & principes latis bene se habebunt. Vulgi fortuna, quandoq; bona erit, interdum aduersa, aliquando mediocris. Diuites melius se habebunt, quàm pauperes. Circa Martium oues minoris ementur, quàm boues, aut equi, erit bonum edere capones, pauones, perdices, & bibere optima vina.

Itinera Periculosa erit nauigatio in Oceano occiduo, præsertim si oriantur tempestates.

Pleniluni.

Plenilunium erit in Martio, vel Aprili, quando luna soli erit opposita. Plenissim:
Ecclypsis
lunæ.
Efectus.

Quod si ipsatum in caput vel caudam Draconis inciderit, occul-
tabitur tantisper, dum rursus ex umbra terræ emergat. Vnde varia
erit in terris rerum mutatio, furti, adulteria, alæ, homicidia, ebrie-
tas, blasphemix, hæreses, & id genus alia, quæ Deus auertat. Si non
credis, vide hac de re Arist. lib. 14. Physicorum cap. ultimo paulo
post finem.

De statu vitæ.

Multi multa de eligendo statu vitæ literis mandauerunt: at
quoniam licet cuique abundare sensu suo, idcirco, saluo alio-
rum iudicio, meam quoque sententiam hac de re breuiter de-
clarare in animum meum induxi. Primò itaque omnium pessimus sta-
tus sequentibus annis futurus est Rusticorum villanorum: Siquidem
instabunt quidam Domini, læuiore Bulliride illo, qui eos penè gra-
uiores laboribus onerabunt, quàm terre possint. Maximè verò om-
nium hi grauissimi erunt, qui non Smolenscum oppugnando, sed
in via lapidea, strenuè operam suam militiæ dando, domus quas-
dam, nonnulla quoque celaria fortiter, prout tales viros decet, expu-
gnando, crumenam suam euacuabunt. Item, qui singulis ferè diebus,
instar quorundam cauponum, hospites excipiendi, prodigaliter tra-
ctabunt pluraque in eos quotidie infument, quàm eorum res ferat;
Secundo loco artificum manualium conditio erit misera. Nam (ut
præcipuos eorum tantum attingam) Sutores, stratarij, Zonarij, co-
riarij, alutarij, marsupiarij, hominibus, præsertim delicatioribus, for-
debunt. Sartores autem aliena animalcula ad se non propter hanc
causam missa, primò quidem humaniter excipient, sed postmodum
atrociter acubus suis acutis contodient. Pelliones quidam è sedibus
suis antiquis possessores veteres, nimirum, pediculos, mouebunt, &
excutient. Architecti, fabri carpentarij, doliarij, tornarij, textores,
victores, molitores, diurno nocturnoque strepitu omnia, quasi per-
petua tonitrua, replebunt, dormientes excitabunt, ægrotos ad mor-
tem ducent, studentes impediunt, proindeque omnibus molestias o-
diosi. Chymici, sulphurarij, pistores, ceruicis coctores, olearii, non
rarò peste Vulcania cines perterrebrunt. Typographi, fassores, vi-
nitores, olitores, fabri murarij, vespilliones, sculptores, statua-
rij, fusores ollarij, laterarij, carbonarij, lapidæ, terra extrinsecus
vndique obruti, & quasi iam sepulti, inter viuos misera spectra ambu-
labunt.

labunt Carnifices, laniationes erunt crudi, odore. Horum posteriorum quidam feria secunda Maioris hebdomadae, pertæli longi oculi, putantes se fortè laniatum, quia proximè erit Pascha, carnificium exercebunt. Quem admodum iam Myslimicij quidam obuiam sibi mulierem, arbitratu esse vitulam, doctè laniant. In alia verò civitate, eodem die, non paucos de grege, non quidem boum, sed rusticorum, qui venditum carnes aduexerant, non iam in laniena, verum in foro, ubi solent carnifices canes, instrumentis suis ad id iam bene instructis, mactauerunt. Ecce tibi: quam digne? *Nam cum nobilitatem suam omnis artifex à matæie nobilitate sumat, & corpus hominis sit præstantius corpore bouis, cur non potius homines, quàm boues mactare debent?* Dictum puta de lanionibus Iudeis, non Christianis: qui nunquam sunt aut fuerunt sordidi, vel inulti effusores sanguinis hominum. Hæc in specie de quibudam artificibus Mechanicis. Nam plurimos consultò prætereo. Nunc aliqua in genere de omnibus prædicere non grauabor. Omnes erunt serui omnium, aditum ad magistratus ciuiles & honores non habebunt. Sordidi erunt, nimis anxij, & cogitabundi. Assidue plus iusto solerti, quid edant, bibant, induant. Timidi. Ad lucrum audaces, mendaces. Ad extremum, quò huius generis aliqua ars erit iustior, eò etiam minùs quæstuosa. Mimorum conditio non illepidatutura est, etenim hitoli perpetuò, idque verissime, representabant statum omnium vitæ præsentis statuum. Seruitus siue fiat ex lege, siue naturâ, omnium rerum sub cælo extremum malum erit. Seruitus aulica, libere suscepta, præsertim longa, sera præsentia. *Experto crede Roberto: Seruitus ex gratia, mera adulatio.* Magistratum gerentium status erit quoque seruitus: quia non quæ voluerint facient, sed quæ leges & consuetudo eorum. Quinetiam non hanc sententiam quidam pronuntiauant, quam ratio naturalis dictabit, sed quam consuetudo, vt dixi, amor, sanguis, potentia, timor, quæritus, negligentia, tædium, valetudinis propriæ respectus, ignorantia insulurabit. Et vereor ne proximo aono illud impleatur, quod quondam Apuleius prædixit: *Nunc induces sententias suas precionundinantur.* Video enim hunc succinere propeitium:

Auro pulsa files; auro venalia iura,

Aurum lex sequitur, mox sine lege pudor.

Dispensatores omnes omnibus, sed tantum suspiciosi, & animo imbecillibus Dominis, erunt suspecti: contra, fortibus, & fidentibus, fidi, & constantes. Et illorum quoque flammum conditio erit miser.

rima, qui quasi ex professo & debito per sepes, per plateas, per pontes, per mōtes, per sylvas, spinas, vrticas quotidie nō grauabūtur tantum itineris ad diuertoria, & diuerticula conficere, quantum distat arx regia à Clepardia, & platea sutoria, vel celarium Suinum à Casimiria. Et quantum Ecclesia Clepardiensis ab ædibus D. Marci. Hoc autem plerunque facient, cum vt fortiter cratheras longos statuunt, & vina coronent, atque totos se madido proluant auro, vt hoc pacto post labores respirent: tūm vt more histrionum, Menandrum agentes, saltent, & nugis se oblectent; atq; lusu tellerarum, instar scurrarū. omnis vacui pudoris, diem, genio indulgentes, transigant lætiores: ac tandem, ceu helluones aliqui, vel gurguliones, totā nocte bacchantur. Ad id faciendū consuetudo ipsa eos instigabit, & negocij inopia peruret: Manicæ enim atteruntur à crebra scriptione, & librorum lectione. Sapientis autem est rebus suis providere. Ergo non probro ducent, lucri potiundi gratia, reiectis Biblijs, & Breuiarijs, folia luforia diurnā, atq; nocturnā manu voluere, & reuoluere, choreas ducere, imagines viuas lustrare, penetrare. Specilla adornare, cum eis clandestina miscere colloquia, ne turpes, & garruli habeantur. Imò non nouum erit eis monentibus amicis obtrepere, pateris insultare, pocula præbibentibus familiaribus exsiccare, consilium de diuinis rebus petentibus respondere: Aliās te videbo, nunc non vacat. passim illud in ore habebunt: *Dum fata sinunt & viridis ætas permittit, viuere latos decet.* Nec temerè enim dixit Doct̃or quidam Parisiensis:

Triste cor, ira frequens, mens rarò gaudia prabens:

Hæc tria consumunt corpora sine breui.

Visitabunt igitur tabernas frequenter, vt melancholiam, nimis eos prementem, ex animis suis pellant. Sed fallentur, & multū à vero deniabunt. Maior siquidem eos hinc mania occupabit, ac totos planè in terram prosterнет, tum ob exhaustum marsupium: tum ob famam (quā nihil bono viro preciosus esse debet) iacturam; nec enim obturare poterunt linguas plebeculæ non aliena à veritate strepitantis: *Non fac, non dicent.* Etenim vt solem umbra: sic fædum & malum vitæ vsum comitatur hominum obtrectatio: Tum ob conscientie remorsum: Tum deniq; ob species in tabernis frequentius ante vilas, se præsentare renitentes. Vaticinor itaq; eis minime rem succelluram. Aliqui enim à rusticis, oblitis nuper factæ illis confessionis, interpellabuntur scipionibus dentatis, & pro sibi iniuncta penitentia vicissim par pari referent: aliqui à Dominis hæreditarijs ex Parochijs &

beneficijs exturbabuntur, & ultra Silesiam vel Ruffiam in exilium ab-
legabuntur. Multi à vigilantissimis Præfulibus degradabuntur. Non
pauci senerè visitabuntur, & regale sacerdotium, tanquam ornamen-
ta quædam, mundo ostendetur, ne autem pereant, tanquam lapides
preciosi ad locum quendam munitum cautè ducentur, & in loco
recondito, seu potius carcere tenebroso, dicto Lipowicz, diligen-
tissimè asservabuntur, custodiæq; militum, & Haydonum, tradentur,
ne fortè veniant coadiutores, vel coadiutrices eorum, & furentur
eos: quidam nunquàm dimittètur: aliqui post mensem vnum plures
uè erumpent, excedent, euadent: nonnulli post al quot annos po-
pulo producentur; qui quidem non grauabuntur exire, pudore ta-
men suffusi, monstrabunt se suis. Cum venerit sequens annus, qui-
libet diligenter seipsum intueatur, examinetque, & albo coruo ra-
rior erit, qui alicui horum, quæ prædixi, aut pluribus, non inuenie-
rit se obnoxium. Hi omnes hucusq; recensiti status vitæ, ob dictas
causas, vehementer displicent. Quare adhuc considera vter sit eorum,
quos subijcio, tandè amplectèdus. Philosophi pleriq; & infallibili-
ter omnes ex primo genere, Sacerdotes, Monachi; maximè verò ij,
quos instituti vitæ suæ prænituerit, manuq; semel ad mota aratro, retro
spexerint, ingenti cogitationū variarum mole, & assiduâ melancholia,
instar truculenti carnificis, dies noctesq; acerrimè exagitabuntur,
ac torquebuntur. Vnde quoddam genus hominum negat hodie mor-
tales vexari à malis spiritibus, sed tantum à melancholia, quod
tamen si verum est, cur multos de medio sui non eiciunt, (non pau-
cos enim etià inter eos ipsos necesse est esse melancholicos) cum expel-
lant cæteros, qui vulgò creduntur esse obfessi à Dæmonibus, adiu-
rando eos. Agricola, seu veri ciues, cum habeant sua oblectamenta,
occupationes, rerum omnium copiam, & ab hoc maligno spiritu
(intelligo melancholiam) longè abint, meo iudicio, cæteris omni-
bus quo ad vitam moralem, præferendi. Itaq; (ut tandem aliquid
certi concludam) si vitæ tranquillitati, securitati, sanitati, longæui-
tati prospicere volueris, vxorem bonam ducito, agriculturam exerce-
to. Sin autem anxietatem, tetricitatem, noctes & dies insomnes, ca-
pitis frequentem dolorem, stomachi cruditatem, corporis imbecil-
litatem, caniciem immaturam, vitam leipsa breuiorem, tranquillam,
venerabilem, similem Angelicæ, cum Deo assidue colloquentem, ele-
geris, Sacerdos, Philosophus, Monachus esto. Quod verò attinet ma-
iorem certitudinem salutis, hinc vanum est de illa quærere. Quilibet
betin

bet in sua vocatione optimus esto. Non enim status vitæ est causa salutis vel condemnationis, sed bona, vel mala cuiusq; opera. Non eotamen in iñcias cõditionem vitæ esse occasionem alterutrius horum.

De Rusticis.

E Quidem conditionem, mores, fortunamq; rusticorum, non illepidam futura, aduerto: idcirco peculiarem de illis tractationem instituo. Ac vt eò melius res cedat, ab ijs qui eis præerunt, initium sumendum esse duxi. Habebunt itaq; præter proprium Dominum, primò Arendarios, plerosq; nimis duos, quicquid non tondent, sed glubent. Quãvis iam nostra ætate non paucos eiusmodi, imò duriores, Dominos quoq; proprios reperias. Secundò loco reget eos toruus Præses, alias Starolta, hunc rustici, eius benignitate abusi, in dies mutari, si fieri possit, cupient, sibiq; alium atq; alium dari exposcent nec aliquãdo voti sui impotes erunt, namq; nonnulli Dominorũ propter imbecillitatẽ animi sui, nõ rarò præfides suos vel fidelissimos, suspectos habebunt. Cũ venerit dies Dominicus, vel festus, modò Præfides, modo ipsi Domini proprii, & Arendarij conuocabunt rusticos, qui quidem non libenter omnes conuenient, atque eò tempore ardua negotia, prout illi existimabunt, peragent cum rusticis, detinebuntq; eos, donec media Milla, nonnunquam tota absoluitur. Si verò Sacerdos inuitauerit Præfidẽ vel Dominum in templum, rogaritq; vt rusticos dimittat, & præterea illam sententiam grauissimam Doctoris cuiusdam Ecclesiæ in medium attulerit, nimirum, *Maledictum negotium, propter quod negligitur diuinum officium*, vel tanquam stultus nõ intelliget, vel si fortè casu aliquo intellexerit, vt obstinatus, contemnet, semperq; id quod ipse volet, & non quod alijs visum fuerit, efficiet: Quisque enim sibi proximus. Quinetiam in furorem, sine graui causa, aut excelsu rusticorum, impulsus, mittet aliquos in carcerem *Gatior*, vbi teneantur, ne possint venire in templum, adesseque Sacro Mille officio, & Concioni. Vltimò tandem erit eis Aduocatus, qui causaseorũ, non ex tua, sed Domini sententia, iudicabit, imò omnia faciet ad vultum, & nutum Domini: Dominus enim est norma, & regula actionum subditorum suorum. Præses & Villicus sequenti anno vicum incommodum patientur: Domina aliqua, præsertim absente Hero, nulla falce in alienam messem, adimet eis ferè omnem potestatem in rusticos, ipsaq; , quali vidua, & carens seruis, reget eos pro sua libe-

dine, & muliebri pecculantia. Nihilominus tamen rusticus in templo
erit stultus, in confessione mutus, in oratione tardiolus, in taberna mi-
les, in foro durus, & astutus, laboris præsentem præfide amans, ad discen-
das artes asinus, ad fallendum insignis doctor, ad omnia denique bo-
na rudis, & ignauus. Vxorem ducet, non quæ sibi placuerit, & cui se cõ-
mendabat, sed cum qua Dominus vel Domina matrimonium contra-
here iusserit. Quòd si verò noua nupta in templū attracta & adducta,
stando ante sacrum altare, noluerit proferre verba, quibus matrimo-
nium contrahitur, Hera mittet ad illam mastigem, aliàs Korbacz, quo
viso, res succedet: non spernenda enim est vis mastigis, qui & iuncta sol-
uere, & soluta iungere non difficile queat. Quandoque die sabbati, &
præter communem aliorum consuetudinem, optimo iudicio Domi-
ni, se meliori Domina, celebrabuntur nuptiæ miserorum rusticorum.
Omnes enim dies Domini sunt, & homini dari ad vtendum. Post-
quam verò è templo redierint, & aliquandiu ederint, biberint, chore-
as etiã duxerint, iamq; sol occiderit, ocludentur ambo ab extra in ali-
quo, sacris nuptijs indigno, coque angusto, sed & sordido ergastulo
ad stabulum pecorum: *Virtus etenim sicut sol à sordibus non inquinatur.*
Neque dimittentur, donec sol lustrauerit terras, vt ne inuitorum
aliquis, noctu per tenebras fugiat: sic charitas & amor coactus crescet
etiam ipsis inuitis: Est namque opus misericordiz, disconuenientes
amoris vinculo iungere. Verùm postea Rusticus quasi inemor debiti
& officij sui, aliquoties singulis diebus suam vxorem, quam illi non ele-
ctio ipsius, & voluntas, sed potentia superioris dederit, tractabit di-
ligenter, & solenniter, non quidem cibo aut potu, sed pugnis in facie
impressis, donec oculus vterq; bene intumescat, liuoremq; notabilem
contrahat, & duris stipitibus, ac robustis fustibus. Tandem verò exa-
ctis aliquot septimanis fugiet à Domino suo, derelicta sibi vxore semi-
vidua: Quia istud Matrimonium dicet neque propter Deum incæ-
pisse, neque propter Deum finitum iri, sed propter metum. Si autem
aliqui sibi cõplacuerint, non collocabuntur eiusmodi in matrimonio,
ne forte amor eorum, vltra modum excrescat: Est modus in rebus. Præ-
terea semper voluntati rusticorum debemus aduersari: spernenda
enim sententia vulgi. Si quid verò contra eos Sacerdotes dixerint, aut
publicè, aut priuatim, habent Domini, quo se vindicent à verbis Sacri-
ficulorum, si prius legerint, quæ sub finem de veris politicis scripsi.
Hoc tantum addo, si noluerint Sacerdotes inuitos copulare, vt pote
qui soleant se Canonibus defendere, mittent Domini accersitum vici-

num Sacerdotem; qui fortè non grauabitur venire, si ad minus vel flor-
renum, vel talerum obtulerint, vel potiùs modium tritici dederint:
vel denique gratiam suam polliciti fuerint.

SECUNDA PARS.

Quod quibusdam secundum proprium vitæ
statum, conditionem, complexionem, ætatem
sit vtile vel inutile factu Vaticinia pro
anno 1613. & alijs sequentibus.

Ut quis nunquam canescat.

SEptem sibi cauenda esse sciat, qui fortè etiam in senectute, nedum
in ætate immatura vult euadere canos capillos. Sunt autem hæc:

Cura, ebrietas, nimius rei veneræ vsus, calida regio, frequens v-
sus balnei calidi, exquisita medicamenta, & lotio capitis calidâ aquâ,
& octauum habeat oportet, nimirum, naturam fortem: Imbecilla
enim procliu, ac prona est sponte sua ad immaturam caniciem, quæ
non potest euitari, quia non est posita in nostra potestate, aut volun-
tate, & est probatum, atque expertum. Hic non possum mirari satis
diuinam prouidentiam: quæ etiam si naturæ posuerit terminos suos,
quos nemo præteriret, tamen non paucos continentes nos ipsi oculis
nostris vidimus, his ipsis artibus sic naturæ, alioqui talli nesciæ, impe-
tum, si non omnino repressisse, at certè retardasse.

Volentibus diu & salubriter viuere.

Quid post Deum melius, quàm diu viuere, & prospera valetu-
dine frui? Quando enim videt homo agi de vita sua, quid non
largiatur liberatori suo? An verò sit vllus tam insanus, qui in
vitæ periculo pecuniæ parcat? Cui ergo tempori nummi referuat v-
sum illico periturus? Pelle pro pelle, sicut Iob inquit, & omnia quæ
possidet homo, dabit pro anima sua. Festiuè Philippus Alexandri

pater, quum à clauicula luxata laboraret, & subinde aliquid pecuniae
Medicus posceret, accipe iam, inquit, omnia quae uoles, quando ha-
bes clauem. Verumtamen plerique ita tractant vitam, ac si ea nihil
à se alienum esset magis, diligentius enim asseruant pecuniam, vestes,
& id genus alia, quam vitam. Quis enim ex ædibus suis eijceret in vi-
am lapideam argentum, aurum? At multi vitam suam periculo latro-
num exponunt diurnis nocturnisque grassationibus. Quis vitreo vali
magnos lapides, quos sustinere nequeat, nisi frangatur, violenter im-
ponat? At plerique ita crapulam & ebrietate distendunt ventrem suum, ut
quamuis non adeo sensibilibus, sæpe rumpatur: Et ita velociter deglu-
tiunt cantharos, ut nullus imber, nulla grando è caelo velocius cade-
re possit. Alij uero pecudum ac ueneris indulgentes voluptatibus, plus
quam canes, sues, uerri, ceteraque bruta, in vitam suam debacchan-
tur. Alij pro scortis pugnautes, animam suam, nullo precio æstimandam,
ponunt. Alij de lana caprina rixantes, ne videantur esse supera-
ti uerbis in taberna armis superantur, & turpiter occubunt. Qui uero
curis ac sollicitudinibus eam ante tempus consumunt, hi sunt, qui no-
ctes atque dies nulli rei magis, quam diuitijs inhiant. Qui hic in æter-
num se victuros arbitrantur, sicut apud inferos Cerberus animas, ita
omnium diuitias inlatiabiliter concupiscunt, hacque inani cura se mi-
teri totos frustra perdunt. Quid enim stultius esset eo homine, qui
confecturus iter unius diei se se oneraret annonam mille dierum? Atqui
diuitiæ sunt breuis uitæ longum viaticum. Quidam propter vanam
garrulitatis ostentationem, tanto furore seuiunt, ita chartis impalle-
scunt, ita libris immo oriuntur, ut reuera ac tetenpus a natura prae-
nitum moriantur. Fuit quidam proflor ante octo annos admodum
iuuenis, sed eruditus, atque ob id solum meruò ab omnibus cele-
brandus, qui iam iam spiritum exhalans se studiorum labore absum-
ptum è uicis excedere affirmavit, eamque diligentiam discipulis nomi-
ne suo testamento reliquit. Quidam uero contra ita ocio torpescunt,
ac languidi efficiuntur, ut ca lauera & non homines te videre existi-
nes. Isti sunt, qui nihil discere uolunt, qui plus corporis quam animi
bonis consulunt, qui non perpendunt, quam speciosa, quam cele-
stis, quam diuina quædam res sit mens ornata varijs disciplinis. Ego
sane non video, quid hæc hominum monstra, qui corpus grande
circumferunt, uel ægre trahunt potius, a bobus distent, nisi quod lo-
quantur, non mugiant. Facies stupida, aspectus habes, crassa labra,
semper terram & pabula spectant, uenter ingens, quem quater aut
quinque

Quinquies quotidie implent, isthæc animalia generosos spiritus ad alta natos trahunt ad quietem. Aliqua tamen dilcenda arbitrantur, quæ more suo apud imperitos inter conuiuandum queant ostentare. O pecudes, ô bellæ, non homines. Maximè autem omnium homines morte immaturâ tolluntur propter peccata, quæ Deum non timendo, homines non verendo parant, quod sacræ literæ plurimis in locis docent, & exemplum comprobant. Iuuenis enim quidam imberbis, sed nequam, suspensus, mox apparuit cum nimis prolixa, eaq; canâ, ac venerabili barba. quem attoniti spectantes, responsum acceperunt ex reuelatione Dei: Talem futurû, ad talesq; annos peruenturum, si non peccare conuelleret. Quæ omnia idè faciunt, quia parum aut nihil credunt nostris vaticinijs, quæ sunt verissima: credent postea, sed serò, cum iam regretus non dabitur ullus. Quod si quis vult quàm longissimè, & quàm saluberrime producere vitam, nec frustra implorando auxilium Medicorum, postea eam repetere velle, ea imprimis, quæ dixi paulò superius canicè a terre quantum fieri poterit, deuitet. Eæ quoniam experimenta, ex quibus & artes ipsæ, vt ait Arist: natæ sunt, ubiq; locum habent, & habere debent, disce diu in bona ac prospera valitudine viuere ab ijs, qui sic vixerunt. Emultis autem vnum tibi imitandum propono. Sed ne dicas vnam hirundinem non facere ver: Nam alios tibi aliunde conquirere poteris. Hic autem est Nicolaus Leonicensis Vicentinus, Medicus peritissimus, qui hoc ferè nostro sæculo peruenit ad 90. annû integerrimis (quæ omnia hodie miracula) sensibus, vegetaq; memoriâ, nec incuruâ quidem ceruice, quum esset staturæ cellioris, & sine scipione venerabilis. Is & vitæ exemplo, & præceptis tibi longam & salubrem vitam persuadet. Vita eius hæc fuit: Ab ineunte ætate nunquam ocio, sed studijs literarum deditus fuit. Cibi & vini maximè abstinens, somniq; minimi, præsertim verò venereis continentissimus, vsq; a deò mollioris vitæ voluptates abdiçuit, vt pecunias, luxuriæ instrumenta, nec agnita quidem monetæ nota, contemneret. Oblatum, & nulla delectum cura, cibum caperet: nec vnquam de fortuna quereretur, quod vnam vir acutus studiorum laudem respiceret, nec opportuna mediocris vitæ subsidia sibi defutura prospiceret. Præcepta verò vitæ suæ congrua hæc dedit:

Quum enim aliquando Paulus Iouius Episcopus Nouocomensis ab eo comiter peteret, vt ingenuè proferret, quonam arcano artis vteretur, vt tanto corporis atq; animi vigore vitia senectutis eluderet. Viuidum, inquit, ingenium, perpetua vitæ innocentia: salubre verò corpus.

corpus hilari frugalitatis præsidio, facillè tuemur. Dignus certè quem imitemur: Quæcunque enim præcepta de conseruanda valetudine hîc dicta sunt, aut vnquam alicubi leguntur, in hoc vnico viro, quasi libro viuo, omnia fere cernuntur. Itaq; nullam magis compendiosam tibi tuendæ sanitatis viam demonstrare possum. Sic fac & viues.

Conuiuiis.

Observatio vulgi est, si tredecim in conuiuiis sint, vnum ex illis ante annum moriturum. Vidi nonnullos, qui ob id ad conuiuantès duodecim nunquàm accedebant, ne numerum dictum complerent.

Cælibibus remedium.

Futuris annis Eunuchi, & cælibes bene valebunt. Vt tamen morbos euitare valeant, accipiant remedia, Quando aliquis eorum flammis vretur, lauta copiosaq; cibaria demiteat, præter necessarium tuendæ sanitatis vsum. Nam:

Venter, pluma, venus, laudem fugienda sequenti.

Similiter calida impense cibaria, & flauosa, vinumq; præsertim potens, ac multum deuitet, venereasq; imaginationes, & similes voluptates fugiat, & non facillè a Venere tentabitur. Pariter Philotophiæ morali, & sacrarum literarum studijs sededat, & otia penitus abijciat, pulchrarumq; mulierum, quantum fieri potest, consortia. Plumeus lectus abiegetur. Quidam aquâ gelidâ verenda macerant, præsentaneo remedio. Tu verò efficacius remedium hoc accipe. Hyeme nius gelu concretæ, æstate vriticæ maioris, manipulum iustum, aut quantum satis est cape, & da pudendis tuis in circuitum, & liberaberis. Si neq; hoc tenuat, vltimum, atque omnium præsentissimum est, vt acceptâ face ignitâ, tibi loca illa tamdiu inuras, & cremas, donec tentatio discedat, exemplo Mariæ Coronellæ Hispanicæ Matronæ, quæ marito diutius militiæ commorante, cum acrilibidinis ardore inflammaretur, ardenti face pudenda sibi inussit, vt ignis vi flammam ignis extingueret. Quine hoc quidem fuerit contentus, iam tantum vnicum restat auxilium, idq; desperatum, vt sibi membrum, quod se scandalizat, amputet, atq; præcidat. Quemadmodum scio quendam Nobilè tractû, Lublimentis ante septem annos tecisse, hoc quæ modo à se tentationem repulisse: Et is erat studiosus literarum.

Vxorem

Vxorem ducturis.

EThi multi sint, qui media ad finem consequendum, & vitæ ætiones ad scopum destinatum, tanquam sagittarius ad metam præfixam, dirigunt, & moderantur: tamen modum non possunt, multa facta indagine, confectari. torquentur ergo, & in varia, atque varia rationis præcipitia feruntur, & exacerbantur miseri vitæ suæ consulere, & res in optimo statu constituere conantes: In biuiio enim positi esse videntur. Hinc labor ad aspera, & ardua virtutum munera incitat, illinc fæda voluptas se illecebris conspurcare, & totos delinire persuadet. Inde fit, vt, quid optimum factu sit non tam facile aduertere quisq; possit. Quid igitur? Prodesse ego non obesse volo omnibus, talis sū farinæ homo. Scito ergo. Vxor omnis eligitur aut formosa, aut diues, aut casta, hæc autem omnia difficile est vnā aliquam habere. Formosam, cum sit arrogans, quis poterit pati? Inquit enim Menander: *Superba res est mulier formosa.* Cui, si stulticia, quæ est superbæ tons, accesserit, etiam est abominabilis, & execrabilis: Siquidem *quod monile aureum est in rictu porci* (vt legitur Prouerbum 12.) *id est mulier pulchra, & fatua.* Adde, quod difficillimè custodiri potest, teste D. Hieron: in Epist: *Nihil tutum est, in quo totius populi vota conspirant: Alius forma, alius ingenio, alius facie, alius liberalitate sollicitat: aliquando expugnatur, quod vndiq; incesatur.* Turpem autem si duxeris, tormentum habebis, & vim patieris: quia difficile est possidere, quod nemo dignatur habere. Hanc ob causam aliquando Bias vir sapiens ac nobilis, rogatus à quodā deberet ne vxorem ducere, an vitam viuere calibem? inquit: *Aut pulchram ducas, aut deformem. Si pulchram, habebis communem, si turpem, bebebis pœnam. Neutrum autem bonum, non est igitur ducenda vxor.* In hac tanta difficultate, vt scias quid omnino tibi sit tenendum. Dico esse tertium, inter duo ista. Inter enim pulcherrimam fœminam, & turpissimam, media quædam forma est, quæ à nimis pulchritudinis periculo, & à summo deformitatis odio vacat. Istud ergo terciū si amplexus fueris, tutior eris.

Diutem si duxeris, nunquam ē ceruice tua excuties iugum eius: non hic te consilium, non prudentia, non ars vlla, aut astutia, non robur deniq; corporis iuuabit. *Audax est & imperiosa diues vxor.* Non temere dictum: *Neq; mulier malum virum metuit, si diues est.* Idcirco Martialis lib. 8. ad Priscæ.

Vxorem quare locupletem ducere nolim

Quaritur? vxori nubere nolo mea.

Quod verò attinet mores & virtutem vxoris, hæc rursus quoad ista quadruplex esse potest. Phocylides enim Poëta ex quatuor animalibus natam esse genus mulierum ait: Cane, apiculâ, toruâ sue, & equo iubato. Ex equo nata agilis est, velox, discurrens, pulchritudine præstans. Ex toruâ autem sue, neq; mala, neq; bona est. Ex Cane verò, molesta & fera est. Ex apicula autem, bene regit rem familiarem, & nouit operari, Cuius amabiles nuptiæ, Chære sodalis, optandæ tibi sunt. Cæterum studiosam & virtute præditam atq; castam eligere vxorem, hic labor hoc opus. Quis enim intelligit bona an mala futura sit: Quoniam nulla est vxoris electio, sed qualiscunq; obuenerit: habenda. si iracunda, si fatua, si deformis, si superba, si fatida: quodcunq; vitij est, post nuptias discimus. Equus, asinus, bos, canis, & vilissima mancipia, vestes quoq; & lebetes, sedile ligneum, calix & vrcelus, fictilis, probantur prius, & sic emuntur: Sola vxor non ostenditur, ne ante displiceat, quàm ducatur. Inde est quod hac in re multi alioqui prudentissimi, & magni viri hallucinati sunt. Hinc Phoroneus Legumlator, moriens fratri dixisse fertur: Ad summam felicitatem nihil mihi defuisset, si vxor defuisset. Socrates verò dicere solebat, 3 se mala affecutum: Grammaticam, paupertatem, & perniciosam vxorem: Quorum duo iam effugisset, perniciosam vxorem effugere non potuisse. Norunt experti, & nemo scire potest melius, quid sit vxor, vel mulier, illo, qui passus est. Namq; vt nemo sentit, quâ parte stringat calceus, nisi qui indutus est, ita nemo nouit ingenium mulieris, nisi qui duxit vxorem. Proinde Socrates monet in hæc verba: Quemadmodum pisces qui nondum intra nassas sunt, volunt intrare, qui autem iam intus sunt volunt exire: sic & vos, ne idem vobis necidat videre. Hoc nimis verendo. Thales roganti matri, vt matrimonium iniret, nondum esse tempus dixit. Deinde verò maior natu non amplius esse tempus. Cui Plato succinit: Iuueni vxor nondum ducenda, seni nunquam. Adeo malitiam mulieris antiqui timuere. Veruntamen si certò aliquis scire possit, vxorem optimam futuram, cui ducenda est, sine cunctatione ducere posset. Enim verò (Eccl. 36. Qui possidet mulierem bonam, in thoro atq; possessionem, adiutorium secundum illum est, & columna, vt requies. Et Prouerb. 19. Domus & diuitiæ dantur à parentibus, à Domino autem vxor prudens & morata. Iam docui quid videre debeant vxorem ducturi: Veruntamen an omnibus, æque ducenda sit vxor, est grauis controuersia. Nam, vt cæteros homines interim omittam, Theophrastus quaerit, an vii Sapiens vxorem ducat? Et cum definiasset si pulchra esset, si bene morata.

morata, si honestis Parentibus: si ipse sanus ac diues: sic Sapientem aliquando inire Matrimonium statim intulit: hac autem in nuptijs raro vniversa concor-
dant, non est ergo vxor ducenda Sapienti. Primum enim impediri studia Phi-
losophia, nec posse quenquam liberis & vxori pariter inservire. Multa esse que
matronarum vsibus necessaria sunt: preciosa vestes, aurum, gemma, sumptus,
ancilla, supellex varia, lectica, & exedra deaurata. Deinde per noctes totas,
garrula conquestiones: illa ornatio procedit in publicum, hac honoratur ab o-
mnibus, ego in conuentu seminarum misella despicior, cur aspiciebas vicinam?
quid cum ancilulla loquebaris? De foro veniens, quid attulisti? Non amicam
habere possumus, non sodalem: alterius amorem odio sui sufficitur. Si doctissi-
mus. Præceptor, Baccalarus, Magister, in qualibet vrbium fuerit, nec vxo-
rem linquere, nec cum sarcina ire potest: pauperem alere, difficile est, diuitem
ferre, tormentum.

Melancholicis.

DVo sunt remedia, quibus melancholiâ ex animo pellas. Alterû,
vt benenutrias, corpus vino impleas, ac alijs modis recrees mē-
tem. Iccirco nonnulli ante concionem integros vini cantharos
spiritu vno quondam exhauriebant. Alterum, vt multum dormias:
incredibile enim, quantum lucis, quantum alacritatis res ea adfert a-
nimo. Sed cauendum est, ne, dum expellitur melancholia, quæ ex-
siccat ossa, acquiratur illa, quæ vrat postea & animam: ocium enim,
sacritatem, & somnum, consequuntur scelera inaudita. Quapro-
pter Sapiens Romanus non minus eleganter, quam doctè monet:

*Plurimè vigilasuper, nec somno deditus esto:
Nam diuturna quies vicij alimentum ministrat.*

Aliud Salubrius.

Quidam scripsit, Melancholiam pelli, si corpus perfricetur vr-
ticis. Experire.

Diabolis.

LYranus dicere solebat, Diabolum non timere Verbum, sed Ad-
uerbium: quamuis Verbum præstatio sit pars Orationis, quàm
Aduerbum. Nam orare, eleemosynam dare, psallere, conte-
ri pecca-

si peccata sua, non veretur, sed deuotè orare, rectè dare eleemosy-
nam, bene psallere, verè, & non fictè confiteri peccata, id timer.

Piscatoribus qui non habent retia, quales
sunt pauperes Bicy, aliàs Rybaldi, & in vil-
lis Magistri.

Bicus, dictus est à bik Polonico nomine, qui, scilicet, bik, prin-
cipem locum tenet inter globulos, vt pote illis maior, quo pue-
ri in planissimis locis ludentes strenuè propellunt ac trudunt glo-
bulos illos minores. Cur autem sic vocentur nostri Bicy, causa est:
Quemadmodum etenim bik globulus, cum sit maior, celerrimè om-
nium giratur, ac rotatur, ceterosq; globulos ante se, quocunq; ver-
xerit, propellit atq; protrudit: ita etiam dicti Bicy per totum termè
orbem terrarum maximè omnium hominum rotantur, & huc illuc
sine certo cōsilio vagantur, nec vno in loco diutius consistere queunt,
secumq; alios minores, Scholares scilicet, breui futuros perfectos
Bicos, instar globulorum, quocunq; ipsi oberrarint, nolentes volentes
trahunt, discurrereq; cōpellunt. Quod verò aliud nomen atinet. Ry-
baldus dictus est à Polonico vocabulo Piscis *Ryba*, seu potius piscatus,
qui est actus piscandi: hoc enim genus hominum, hodie ignauum pe-
cus, & inutile pondus terræ, olim sagax, laboriosum, ac diligens, pi-
scatu victitabat. Nunc verò præ tuo torpore, & incredibili desidia,
intermisit, seseq; totum aucupio, sed mulierum, dicunt. Vt ergo te
miser Rybalde quoquo modo possum, ne ocio pereas, ad laborem
excitem, modum antiquum, ac consuetudinem laudabilem præde-
cessorum tuorum ostendam, quo tibi ipsi, vxori, si (vt credo) adest,
panem quærites, quo denique quod tuis paruis scholaribus, cum
Grammaticam ignores, tradere iam aptis ac idoneis possis, assequa-
ris, mihiq; si tibi fortè successerit, gratias agas, memineris quoque,
vt ere hoc meo consilio, quod è re tua reor futurum. Cape Rybalde
in manus tuas longum, & ténue filum, huic insere lumbricos multos,
vt filum occultetur, id conuolutum, atq; affixum longæ virgæ, esca-
erit ad capiendas anguillas. Nam incurui dentes piscum vermibus
hauritis, filo adhærebunt. Tâcêci, nâ ryby Rybalcie.

Horum optimi omnium & utilissimi erunt Ecclesiæ, Magistri ex
villis

villis, verbi gratia D. Magister de Zielonki, D. Magister de Rudawâ:
de oppidis verò præcipuis, D. Magister de Myslimice, D. Magister de
Polânic, D. Magister de Osiek, & alijs similibus. Quâdo enim celebra-
tur festiuitas dedicationis templi, Græci encænâ, nos Kiermâlz voca-
mus, miseri, sine alterius iuuamine, quod magis nimirum videri de-
bet, Stentoria voce, ad laudem Dei, & S. Patroni loci illius, ita can-
tant, vt si audieris, potius boare, quàm cantare hominem dixeris.
Hoc tamē vnico vicio, sibi iam quali innato, pleriq; laborabūt, quan-
do conuenient vesperi in tabernam, illam sitim, quam in templo ex
importuna vociferatione contrahent, ad ipsos fontes vberrimos
celarij leuaturi, ita postmodum exsiccatis omnibus dolijs cereuisæ cū
rusticis agent, vt fiat quasi regimen in Osiek.

TERTIA PARS.

Non nullæ Historiæ.

PLacuit mihi aliquot historias selectiores his vaticinijs subiūxisse,
vt, si quid simile, vel mirabile, futuris annis acciderit, scias, non
primū tibi euenisse: intelligasq; nihil nouum esse sub sole Sed
iam ad Historias tempus venire.

1. Faber cū ex altissimo templo decidisset, casuq; suo ipse ille-
sus, occidisset alium: à filio mortui senis in iudicium vocatus est, cui
respondebat: Ascende tu in eum locum, è quō cadebam, ego sedebo v-
bi pater erat, & me quoq; ruendo interficias.

2. Si asini cicutam liberius d. pascantur, somno profundissimo, &
torpore inexpugnabili corripuntur, ita vt non tantū stupidi, sed pla-
nē mortui videantur. Quod rusticos rei huius ignaros fef. llit. Nam
dum asinis, quos ob id mortuos credebant, pellem ad vsum detrahe-
rent, accidit vt in medio ferē operis, asini experrecti sint, magno ex-
corrantium terrore, & ingenti spectantium risu.

3. Rusticus empturus aliquid in domo fabri, visâ ante pedes par-
te ferri, arreptâq; manum adussit, nihil de igne cogitans. Is commo-
tus, alterum ense petit: Faber accito puero, iubet vt ferrum auferat,
hic super hoc prius exspuebat, auditoq; strepitu, dixit esse calidum.
Rusticus reuersus domum, in calidissimum cibum ex aquâ, herbis.

Et modico pane, paratum sibi ab uxore simili modo expressuebat, nulumq. sentiens strepitum, bonam partem illico hausit.

4. Satyrus cum vehementer algeret, hyberno gelu supra modum seuiente, ab agricola inductus est in hospitium. Hic videns rusticum infantem in manus, rogauit, cur id faceret; ut eas calefaciam, inquit. Mox appositâ mensa, cum idem inflaret in feruidam offam, iterum rogauit, cur idem faceret: ut eam refrigerem, respondebat. Quid? ait Satyrus, ex eodem ore calidum & frigidum? quod monstri genus hoc est? & confestim ex adibus fugit.

x 5. Apud Lyndios in Rhodo insula, Herculis sacra, maledictis & execrationibus per agebantur, eaq. pro uiolatis habebantur, si quando inter solennes ritus, vel imprudenti, vel nescienti alicui bonum verbum excidisset.

6. Quidam cum à filio crinibus pertraheretur, ventumq. esset ad domus limen, desine, inquit fili, nam & ego Patrem huc usq. Et accusatus ille, quod Patrem pulsasset, hoc modo defendit causam suam: Et ille, inquit, Patrem suum verberauit, & hic (ostenso filio) me verberabit, postquam adoluerit.

x 7. Myron nescio quis canus rogauit noctem Laidis, sed re pulsam passus. Et cum Myron amens animaduertisset, se ob senium à Laide repudiari, crinem sucauit, iterumq. adiit Laidem, idem quod prius orans. Illa faciem noscitabunda, sed crine mutato decepta, credidit hunc, utpote capillo atati iuuenili competente, filium esse illius priusini amatoris, qui noctem poposcit, cum tamen idem esset, diuerso tamen crine. Respondit igitur Lais: se Patri suo iam mox negasse.

x 8. Iudeus quidam Praga in Bohemia Anno Christi 1530. qui cum Christiana rem habuerat, dolio picato per foramen virile pudendum indere iussus, serrato, & obtuso cultro iuxta appposito, cum vi caloris torqueretur, sibi ipsi partes, per quas peccauerat, amputauit, cumq. cruentus fugeret, immis atrocissimis canibus, laceratus est. Theoderus Zuing.

9. Cambleta Lydorum Regem eò voracitatis progressum, ut nocte quadam uxorem quoq. absumpserit: cumq. summo mane illius manum in ore comperisset, semet iugulasse, Xantus apud Calium auctor est.

10. Machtildis Comitissa ab Hennenberg filia Florentij quare-
ti Batauini Comitis, soror Gulielmi Regis Roman. Friderico secun-
do imperante, mille, quingentos, quatuordecim pueros simul genu-
it: qui in malluuio ab Othone Traiectensi Episcopo auunculo eius
sacrâ aquâ lustrati sunt, & post mortui. Auentinus lib. 7. annalium.

11. Mela & Herodotus lib. 4. de Neuris Scythia Europea gente
scribunt, statum singulis tempus esse, quo, si velint, in lupos, ite-
rumq; in eos, qui suere, mutantur.

12. Fur quidam à Rege Egypti Rampsinio, ob astutiam suam;
quâ vsus fuerat cum thesauro regio spoliando, tum in eludenda filia
Regis, cui fratris abscisam manum pro sua porrexerat, & vita im-
punitate donatus, & Regis insuper filiam uxorem accepit. Herodo-
tus lib. 2.

13. Flavius Vopiscus indicat, Aureliano indelicij suisse Phago-
nem quendam, qui vno die ad mensam Imperatoris ederit aprum in-
tegrum, centum panes, veruecem, & porcellum: biberit autem in
fundibulo ori apposito plus orâ.

14. Prouida rerum natura mater, verecundia fœminarum mirè
consuluit. Nam virorum corpora proiecta in mare, Plinius in Histo-
ria rerum tradit, supina ferri, fœminarum prona. Ludouic. Viues de
Christiana fœmina lib. 1.

15. Persa à pueris nudos conspici viros, nec fas, nec ius esse di-
cebant, Itaq; nudum conspiceret hominem, ac si immane scelus ad-
missum foret, capite luebatur. Alex. lib. 2. c. 25.

16. Diogenes adolescentem quendam qui in caupona cum con-
spiceretur, resugit in interiora caupona: Quanto, inquit, fugis inter-
rius, tantò magis in caupona es. Plutarchus de virtutis profectu.

17. Lutetia Prator duos Studiosos insolenter agentes ceperat, &
patibulo affixerat. At Scholares jeditioe mota, eò rem deduxere,
vt illos in ipsa cruce in posticum osculari, & de cruce depositorum su-
nus honorificum deducere cogeretur. Theodor. Zuing.

18. Heidelbergenfis Academia ius summum vita, naciq; in om-
nes sibi subiectos habet, quod ne Principis quidem auctoritate infringi
valeat. Idem.

19. Leo Bizantius, auditor Platonis, & Sophista nobilis, cum pre-
pinguis

pinguis esset, procedens in concionem, ab omnibus derisus est. Ad quos con-
uersus: Quid videtis? ait, Athenienses, quod vobis videar pinguis? Scitote mi-
hi uxorem longè pinguis simam esse: talesq; ac tantos, cum simus concordēs, bre-
uis modum lectulus capit, discordes ne rota quidem domus. Philostratus A-
thenaeus hoc Pythoni Brzantio Oratori tribuit lib. 12. C. 28.

20. Anaxagoras praedixit lapidem è sole casurum. Qui etiam cecidit mul-
tis post obitum eius annis ad Aegos flumen, sub Principe Dmylo: asserbat enim
calū ex lapidibus esse compositum. Laert. lib. 2. Propter hanc causam Germani
dixerunt se timere ruinam calī, ut est apud Curtium lib. 1.

21. Megasthenes auctor est, mulieres Palae habitantes, sex annos natas, pa-
vere. Phlegon de mirab. & longauis.

22. Scribit Plinius lib. 7. L. Metellum 10. maximas res oppressse: utpote vo-
luisse. 1. Primum bellatorem esse. 2. Optimum Oratorem. 3. Fortissimum
Imperatorem. 4. Auspicio suo maximas res geri. 5. Maximo bono e vi. 6.
Summa absentia esse. 7. Summum Senatorem haberi. 8. Pecuniam magnam
bono modo inuenire. 9. Multos liberos relinquere. 10. Clarissimum in Cini-
tate esse. Quae omnia illi contigerunt,

Epitaphicon.

Vir probe legisti vatem, vel Zoile? quis sis
Conijciat subito, perfidus anne probus.
Si probus es, laudas, si Zoilus, & proba carpis,
Rectus recta, malus non nisi probra iacit.
Vexant te; vel non isthæc mantheumata vatis,
Sinon, quid carpis, corrige, si argueris?


GREGORIUS CZARADZKI.

In Momum.

Zoile si bonus es: ne carpe volumina vatis:
Nam tua praedicet colla tenenda trabe.
Fatidicum rides vatem? ridebit & ille:
Dum te suspensum tortor ad astra trahet.

Idem.


Finus Vaticiniorum ab Anno Domini 1613. 7. Martinitium sumentium,
& duraturorum vsq; ad consummationem seculi.




VNIV.

AGELL,

CRACOVENSIS.





Biblioteka Jagiellońska



sidr0022129

